



調象菴稿卷之五

梁谿鄒迪光彥吉父著

五言古詩二十九首

入大滌洞

生平邴尚志，緬懷神仙宅。凌厲快崇巒，巒鈞  
揆悅幽澤。侵晨飽餽餼，賈勇氣什百。躡卉  
非舊畦，扶蘿若故術。羽流把列炬，偃僂導  
予策。提攜入窅窅，盤紆動百折。稍伸虞觸



言身者利 卷之五  
首小俯懼嚙膝屯雲室不前蒸氣紛有苾  
響赴迅若鏞色古闇如漆玉芝暨瑞鳥按  
牒罕所獲巨石踞當門扣之聲瑟瑟入深  
不憚阻陟巍豈獨慄撫化參聞寥卽事悟  
虛白

西方庵庵當千巖之內取路石罅下  
臨不測攀緣極艱

西方有淨土峩然金銀闕其人居蓮臺往

往能解脫身光自照耀日月所不揭世界  
渺無際剎那實可越茲焉名西方取道何  
杪眇置嶽多離音布石盡磳硤睇壁極千  
尋傍岨僅一髮顧身若雲浮措足欲淵沒  
凌兢得蘭若竄然住一衲如何佛子居乃  
似蛟人窟厨下乏宿春床頭只瓦鉢猿麋  
作眷屬虎兕與結納萬壑伴孤燈千峯呈  
百法西方未必然身世已摩豁

言身者利 卷之五 二  
坐天目山頂石屏下一首

籃輿妨鳥道勃宰奮足趾頗喘滿生息苦  
阻中郎筮窺地極萬尋察天僅有咫尺靈  
躅所闢工垂授之指發燿黝以澤呈脉紛  
而理蒸雲泄瓊液釀露產玉蘂我來坐石  
下羣岫何累累一氣所翕忽莽若銀濤起  
那辨遙山青稍識近峯紫倒景如膠葛飛  
鳥觸吾觜糝滓頓有豁耳目玩已侈

晨起雨後從郎壁抵南漳午飯一首

昧爽雨初歇汝南鷄屢喚一榻不皇寧攬  
衣起嗽盥長髯掃階葉遄逞竹下爨朝晡  
未及果樹色已凌亂巾車入崗巒雨過地  
如灌紆直路匪一夷險道相半峭壁類削  
成天矯真壯觀林花點高翠雲葉剪柔幔  
近岑霞綺襯遠岫日簪冠山勢何錯互草  
木自條貫行行計前路日午正及筭假館

詩象者稱 卷之五 三  
問田人觀者盈道畔日晷僅數易耳目饒  
變換卽事類促縮探倪實汗漫

下徑山寺至龍潭塢二首

升岑旣困頓下巘亦瞑眩翔禽爲前導飛  
霞於我殿陰崕闕沉郁陽峴襍浮絢陟降  
互呈竒耳目遞遷變軒帷峭舊入屐齒漣  
漪濺龍蟠未可知格鷺集如霰鶴髮松下  
踞牛衣水際澣迴蜺卷長津泄雲續斷岸

羣有動怡悅萬細何足算

其二

歷歷石橋杵曖曖墟林煙抉探盡軋芴曠  
覽無術阡茅屋如辰星結構多不堅馴龐  
衛籬卧飛狔當窓懸佃山山塙堵碓水水  
潺浚上躋軼埃塽下窺懾幽玄林篁挺初  
綠巖桃落故妍來竒收恐後去美惜不前  
來去總歡悰前後靡定詮倘遇尚子平庶

以此理宣

薄暮信步山麓至雙塔禪院院甚古  
而惜其頽敗

閒居事延覽欣此春載俶爲釋闌闐囂久  
傍巖巒宿披歷未厭心探討更舒足扶藜  
破霾靡躡步信原陸乍喜山不童漸覺林  
有族青鈎入岫雲碧曳緣崗竹倚樹阻歸  
鴉分途讓還犢化城有時化福地皆敗屋

寶座穴狐鼠古佛受霹靂雙塔曾靈光霞  
表自轟轟噪木鳥鈎輶畏客僧縮胸雍門  
堪咨嗟空林亦清穆携手朋侶三撫化予  
所獨

贈許太翁初度翁子穉則官梁谿令  
夫君玄度後抗志逃世羅貞隱傍叢桂碩  
人依薜蘿息跡巖上石洗耳松下波墳典  
自怡悅琴樽以婆娑簪纓得所托堂構詎

在多豈惟肯堂搆燁燁振鳴珂剖竹寄百里  
茹蘗詠五紵永肩旣骯髒蹙蹙寧蹉跎  
章服當斑斕官俸給匏犧令望自其子樂  
志髮不皤誰謂南極遙耿耿山之阿  
吳文仲以統素貽詩見訊賦答一首  
祝融及畏景恢台何熇熇炎飈煽四垂二  
儀亦溷濁庭雲鋪赤甲引領望霖霖珍簾  
無爽氣層榭但流燠彼美生平交腹笥富

儲蓄裁詩托統素璀璨絢心目穢褻霧縠  
張秘醇春華馥玄冰颯以至飛雪滿破屋  
豈無陽烏威清風爲肅穆君情誓斷金余  
意敦伐木願言及秋商攜手歌在陸

吳無倚六十初度有贈

枯寂不自娛夸毗罕所全能鳴與不鳴各  
自伐其年處身在靜躁涉世乃云便夫君  
秉醇德機杜理亦圓郊原甘廓落闐闐耐

誼闡有時跨九州不則處一椽探書汲冢  
上得句黃初先亦慕阮籍達不作禰衡顛  
亦多持螯興不稱荷鋪賢于已任榮醜况  
彼媼與妍四大偶和合六塵浪隨緣忽忽  
六十載我與我周旋胡遽非松喬豈必等  
偃佺仙都乏秭苑文士有靈詮

調象菴休夏六首

擾擾五濁世誰是清涼宅矧茲鷄火候炊

飈鑠金石南榮非不敞四大漸成腊日余  
抱微尚結念在白業濯足八解淵息駕七  
花室蒲團日跏趺貝葉自紬繹逆風生梅  
檀瑞露洒蘿壁庭石布幽蔭漉池匝華液  
雖然火宅栖若據化人席心淨土亦淨茲  
言自古式

其二

絃管豈不御歌喉豈不索亦調白鼻騮亦



詩集卷之五  
理青絲竿耳目暨遊戲於志罕所縛有時  
弄鉛槧間亦事盤礴角巾日棄置芒屨久  
不著將迎罷縛節嘯傲展清詭注想入鷄  
園便足南面樂躁志旣以釋玄冰何須嚼  
其三  
瓊臺竦鬱羅飄颻槩崇空三晨燭玄黝九  
秀結玲瓏仙人居其間手劃萬古蒙龍旂  
閃靈電風吹叶祥風玉顏不易朽千歲若

嬰童我欲往從之路杳不得通逝將游化  
城絕視并黜聰萬囂傲然沸兀兀以一終  
抱一何所符煩惱遠其躬仰窺雲中鵠俯  
蔭石上松齊契等寒燠屏智一雌雄笑絳  
馳逐子觸熱將焉窮

其四

結廬城西隅稍覺遠闌闌松檜自賔森篁  
篠轉深邃一水枕縹碧衆峯護蒼翠軒楹

何所有頗列金仙位石燈旣煌煜丹幢亦  
蔽芾善風吹菩提慧日映薜荔漢語頌番  
經儒紳學胡拜人成有髮僧居似空王地  
大慈默提攜甘露爲灌溉不徒滌煩襟擬  
訂龍華會

其五

攀柯倚清嘯拂石亦高枕何方鳥格磔驚  
此松下寢貝葉堆匡床璀璨若雲錦齋心

味三昧不獨啜其瀋赫曦政蘊隆叢木自  
妻凜靈籟鼓戛戛方塘湛泠泠僧來共伊  
蒲客至談小品非無河朔樽拍浮戒酒飲  
其六

人生務下尸於世鮮久視誰抉無明網誰  
脫愛河涘春葩媚朝旭萎落一何駛惟有  
菩提心萬劫出生死余本流浪民綺歲拾  
青紫自慚有漏軀未解無生旨投老習三

詩家類稿卷之五  
九  
摩居然法門子小結曇花廬蓮社不愈此  
伏日謝歆蒸長飈蕩泥滓皈心鹿門叟授  
記維摩士寶月印琉璃坐照以沒齒

知希齋詩爲王德操賦

邃古薄聞譽末季重聲榮趨聲若集苑擾  
擾日相征建鼓求亡子表暴久必傾夫君  
抱玄素外物澹弗撓龜甲支匡床雀羅當  
戶楹申交謝魚腹款駕希輪聲絕腥茹葵

藿惠好坐班荆雖攜薰炙手睨之鷗鳥輕  
稱詩集詩法作論擬論衡都將付之燼不  
復覆其罌兀兀抱書卧自謂據百城鶯華  
聲愈遠葆素譽乃弁不見介子推千秋遺  
令名

春遊曲五首

餘杭舟中兩高已去天目未來維時春  
也爲作此曲

青陽何駘蕩東陸有輝光  
盈盈二八女三五共成行  
斜作鬢邊撥輕安額上黃  
行人莫相近夫婿侍中郎

其二

結伴出平津陌頭人語闕  
碧桃歷亂飛黃鳥參差弄  
插釵嫌鬢鬆舉步憎裙動  
慙慙楊柳風時復來相送

其三

脉脉高樓坐女伴紛相促  
旋對雙鸞鏡聊復一結束  
綴耳大秦珠步搖荆山玉  
相戒七香車莫浪過淇澳

其四

習習谷風轉遲遲春日輝  
名姝洛浦上舉袂欲成圍  
飛花恰點額牽葉盡鈎衣  
夫君不解妬秉燭夜忘歸

其五

彼姝者誰子東城南陌道一兩襪羅輕雙  
眉黛紋掃纖日照花鈿柔颺扇吳縞一步  
一躊蹰相將鬪百草

後春遊曲五首

纔出上東門又過長槐墅燕馬千金餘吳  
鈎三尺許香風宰地動楊花撲面起美人  
期不來春心爲誰語

其二

走馬洛陽道日暮垂鞭緩路逢年少兒闌  
入胡姬館金縷唱不停玉杯行無筭不道  
春日長只嫌春夜短

其三

今日春光好鞦韆虜出國都繡服茱萸帶瑠  
弓翡翠弧柳市過萬章潁川訪灌夫畱連  
不惜醉寧怕執金吾

其四

其四

春鳥千聲囀春英百種名花裊新試履柳  
線亂牽纓誰家引鳳曲何處多鵝笙墮鞭  
非有意擲果若爲情

其五

象床卧不熟攬衣候天曙妖童四五人擁  
入紅塵去擊鮮原上食合錢野中醪莫問  
尚書期淹留不知處

秋日行舟揚子二首

連旬鮮颺扇此日遁風伯趨卑沿順流倏  
忽如騎驀江豚靜不張石燕戢其翮黃花  
暖相笑白芷紛可摘極浦乏微颺木落自  
槭槭舟居絕營務卽物把丹艧婆娑三寸  
管奮迅如劍戟雲山要麗藻魚鳥乞膏澤  
明儕稽阮輩脫衫露巾幘酒汎芙蓉紫杯  
拈琥珀赤未暇課百篇早已罄一石探化  
不盡賞蒞境有餘懌相與呼江妃携手弄

月魄

其二

秋陽織以媚秋波深且瀟俯仰盡空冥品  
彙汰泥滓霞紋淨如練雲片薄於紙汀蘩  
好顏向江山美容止鷗歸類執櫛魚逝等  
迅矢龜鼉向日曝其身射天紫烟中瓜步  
語日外真州市乘雁集叢蘆恍若瀟湘渌  
蒼漭經萬劫忽恍非一視虛碧與心怡遙

青勞手指擊楫真吾徒弄波者誰子吾欲  
踵弘農捉筆賦清泚

調象菴稿卷之五

調象菴稿卷之六

梁谿鄒迪光彥吉父著

七言古詩三十六首

玉主行

有序

劉姬故娼也而性俠烈善能閱人擇所  
從而歸林季子實將終身焉亡何季子  
貧甚將餬其口於四方懼劉之不能守  
而諷以他適劉仰天而號幾不欲生季



子大喜過望期之白首矣而紅顏命薄  
劉遂物化季子痛之甚至刻玉主携之  
以行過蒼梧之墟爲暴客斃而投屍於  
江蒼梧使君某者季子故人也劉托夢  
以訴遂得暴客而玉主亡恙林屍亦出  
賊黨咸伏辜夫一妓女耳生不負恩死  
能報怨此豈可與世間翻雲覆雨負心  
人道哉爲作歌紀其事

長安馳道連雲起委蛇直接平康里翠閣  
珠樓傍日懸錦帷繡帳從風靡家家有女  
顏如花傾城那得劉姬比劉姬顏色太可  
憐旭日芙蓉映秋水千金一笑買不得多  
少王孫爲情死蛾眉別自有心期嫁得林  
郎賈人子林郎俠氣淋漓亦不偶三尺青  
萍長在手夷門軹里慣交權散盡黃金不  
復有家徒壁立風調存自言不落相如後

詞家補和卷之六  
二  
顧謂劉姬汝太癡一室蕭條寧易守梁鴻  
孟光世所無何不別向朱門走劉也聞之  
意慘悽雙環不整萬行啼生身願學黔婁  
婦如何認作買臣妻感卿信義明於雪地  
久天長永不涅顧余真似魯秋胡對汝羅  
敷那堪說勸卿休作白頭吟生則同衾死  
同穴同衾未久遽離析雲水茫茫斷消息  
憶懽望懽懽不見一旦紅顏化爲石化石

不返神悠悠却逐夫君伴崩縵夢魂顛倒  
急歸去蘭閨無人鬼火幽如此佳人難再  
得况復義重如山嶷一時腸斷不欲生鼻  
如懸河面如墨已將琬琰勒芳名更吐瓊  
瑤寫胸臆芳名刻玉矢提携身逐飄蓬東  
復西猿啼湘水煙痕重鴈落蒼梧雲影低  
蒼梧雲深岸芷綠蠻草迷離亂山矗綠林  
暴客儼相向霜鋒稜稜矢簇簇裏蹏搜得

詩象者稱卷之六  
三  
貯船頭鷄肋還將葬魚腹玉主含冤爲夫  
痛夜向蒼梧使君哭蒼梧使君林故人生  
平交誼雷與陳立捉渠魁玉主見不勞五  
木得其真遺屍又向江邊出鵠亭之冤今  
已伸吁嗟劉姬真可羨生不負夫恩死能  
報夫怨爲生爲死總不知惟有區區心一  
片世間翻雲覆雨負心人對此將何置顏  
回

子有歌童陳元者才技雙絕溺水而  
死心甚傷之爲作此歌

生不解執牙籌逐腰纏素封之業類計然  
又不解濡首蠹魚矻矻丹鉛藜火照夜繩  
牀穿流芬揚芳竹素間但把黃金教歌舞  
清歌妙舞春風前就中歌兒最可憐玉立  
巧盼何蹁躑檀槽小按梁州曲白雪紅雲  
低玳筵人道韓王孫又似李延年不獨青

衣推絕豔并令紅粉妬嬌妍男兒技絕亦  
命薄撇却華堂葬魚腹芳魂瀾瀾去不返  
一片湖波浸膏馥膏殘脂覆香披離人人  
聞之哭路岐嗟爾河伯胡無知昔時娶婦  
今取兒區區水府曷用之我欲奪汝於河  
伯之手出汝於罔象之口惜無返魂香續  
命膏可以肉骨而起朽哀哉臨流釀汝酒  
魂兮歸來汝知否

鷺湖行爲華孟達壽

鷺湖水濶寒濤深魚龍茫茫煙霧沈青山  
倒影如可擷日月莽盪天蕭森美人家住  
鷺湖曲棊几藜牀映脩竹鹿群豕隊紛往  
來朝飛倉庚暮屬玉五柳長連薜荔青雙  
扉靜對芙蓉綠生來不受俗塵溷丰神蕭  
蕭意蕭穆羞談鑽核與持籌但有焚香及  
燒燭籟羊神鵲都所辨鶴史鷺經無不讀

手持不律劇縱橫一掃明珠千百斛憶昔  
君爲藩幕吏局踣低眉不快意翻然解綬  
賦歸來脫却朱衣換荷芰鷺湖亦是鑑湖  
恩日與清流坐相契只今絕跡離塵棄儕  
偶青冥碧落在吾手鴻寶窺枕中丹書懸  
肘後綿綿若存食氣母呼吸陰陽酌元斗  
安期五石詎須論洪厓三芝亦何有誰謂  
摘毫吮墨文章人不與廣成若上之倫同

勿朽

張燈行

男兒生不解囁嚅脂韋諧仕路焚魚卧向  
林臯暮無營只解博懽娛令節良宵豈虛  
度今日何日逢王春調風謾謾膏雨勻梅  
額半粘白玉瓣柳面乍織黃金紋烏尾畢  
逋街鼓動玉魄皎皎團重輪旗亭百二燈  
光滿膩燭熒煌夜深淺圖花學鳥鬪輕盈

詞象者利卷之六  
列燕排鴻費裁剪王孫寶馬五花驕仕女  
瑤軒七香悞何方買笑不飛揚是處銜杯  
定沉酒余家茆屋有八九蕙燼蘭膏無不  
有層層紫霧出重帷漠漠緋煙透虛牖却  
疑瑤海泛珠璣復似瓊霄墜星斗南隣鷺  
管北隣瑟余亦因之擊其缶平頭短豎解  
調歌禿襟老奴善行酒應門白鶴盡懽呼  
當階蒼磨亦奔走有客非復風塵人竹林

之傳蓮社友不然區區號凡伍亦是談天  
碣石偶自笑生涯百不具貧人敢作富人  
事又惟迂踈不自量老年却入少年場留  
賓慣刻淳于燭滿坐長要荀令香黔婁先  
生亦復爾鹿裘之翁真太狂君不見今夕  
長筵坐滿屋明朝廣柳下空谷庭芝未竟  
榮墓草又已宿世間萬事多反覆陵陸滄  
桑鳥過目孔顏曾史胡爲乎今我不樂徒

詩集卷之六  
七  
感感

栩栩園歌爲漢川尹中丞賦

中丞登壇秉旄羽熱血一腔奉明主補  
天浴日不言功腹心干城中自許運籌虎  
幄政焦勞如何爲園號栩栩瑯窓繡戶枕  
江滸左抱黃鶴右鸚鵡晴川歷歷映琴書  
大別青青落樽俎萬里瀟湘到竹深一片  
蒼梧對花午移山惟借愚公力鑿石長資

巨靈斧仲長山水未爲奇李家平泉胡足  
數園亭信美徒虛設名在旂常身在越階  
葉遙將大燾翻庭枝學得高牙列雖然夢  
蝶破歲蕤未得支鳩入蒙密爭言去病不  
爲家留侯赤松未可誇天子自開麟閣  
待那得便種青門瓜不若鄒生歷落嶽崎  
脫塵鞅岍幘松間日偃仰青山隱去不待  
招一丘一壑從吾長又不然盧敖杖阮生

言身者利  
卷之六  
八  
履大鵬逍遙信六翮青城具茨惟所適何  
論區區一山澤

短歌壽新安令宋翁

陶潛折腰不耐五斗粟曼容爲官不過六  
百祿君家宦况亦如此早向衡門歌在軸  
世間萬事百不欲糟丘且傍大坏築瑤函  
緇帙塞蒼棟左手持螯右手讀興至從人  
典鷓鴣醉來獨自舞鸚鵡如椽之筆不住

掃一揮琳琅千萬斛有時放杖出門去石  
屋山青瀨水綠牀頭之粟有幾何不堪作  
飯且作粥區區故侯若無有田畯漁郎挾  
之走漢陰老叟是吾師祝鷄之翁亦其友  
大兒課農供八口小兒耽書窮二酉餘者  
參差著膝下一一芝蘭與瓊玖丈夫得此  
願已足何用驅馳利名藪人言君家是歲  
星慣食東海千年苓只今小謫人間世七



詩集卷之六  
九  
千古稀猶弱齡茅君華陽正相近請君住  
此爲福庭

病後俞君寶自五茸見訪酒間賦贈  
君家芝宇未曾識瑤華每自雲間擲何以  
報之有木桃數載神交但髣髴扁舟揚帆  
自三泖鷄鳴曠曠剝啄早文園消渴枕書  
卧強起披衣欲顛倒看君峻嶒有正骨氣  
吐虹霓藻揆日彩筆揮成白雪飛冰綃畫

得青山出耻將長劍逐朱旂但把孤筇寄  
蓬葦蓬葦雲深不知處五柳門前莽飛絮  
羅雀倉皇驚欲逃二豎聞之亦且去經旬  
見月喘不停此日觀濤色已豫與君掀髯  
意氣舒脫帽大嚼紅瑋瓊園蔬野粟足果  
腹知君不嘆食無魚

淨妙沙彌自入予都羅菴後詩思日  
上爲作短歌勵之

謝象者種卷之六  
閻浮不乏空王宅末法陵遲闡提出梅檀  
海涸須彌頽緇衣之風太蕭瑟狹邪盡屬  
比丘倫干謁無非圓頂客牙籌執筭等閒  
事養雛牧豕爭什一白社誰知禮六時黃  
金不惜罄一擲不然我慢旁無人傲骨凌  
增眼雙白狂象狺狺未解調雕蟲沾沾自  
爲得上人年少投化城眉稜骨法秀且清  
一衲無多體不任威儀楚楚孱書生讀書

願借祇林日得句能馳鹿苑聲雖然偶習  
瑜伽教爲人持誦非其情瑜伽業在棄不  
修石牀月印曇花幽貝葉千函自翻閱蒲  
團一坐經春秋餘力丘墳猶復搜抽玄對  
白無時休軍持不律兩相競詞采欲與毫  
光流同儕紛紛苦交謫吾徒未是彌天釋  
那得湯休更善詩誰許生公復點石拂衣  
來傍鄒居士經卷詩籤共朝夕朝夕文園

詩象者稱卷之六  
意氣多向來白日真蹉跎已覺禪心似枯  
木翻令筆底如懸河皎然齊已那足數靈  
徹清江奈爾何君不見金陵凡幾公吳門  
若人許吐詞錯落爛幾組搦管縱橫賦鸚  
鵡人言此是支郎流操觚之外吾何取吁  
嗟乎丹鉛遊戲耳面目本來真願爾長參  
聖水津圓通大道從此悟勿作禪門輕薄  
人

旱旣太甚人意旁皇有一道者蓬首  
垢面不知何許人能以其術致雨邑  
人異之而不佞贈之以歌

昨日鞭土龍今日刑蒼鷲燔柴瘞壁走羣  
望暴巫暴尫奈若何祝融虐政苦不已震  
澤千里無流波馬鬣不沾原上草蹄泔誰  
到田中禾道人姓字人不識蓬首膩面兩  
足赤鶉衣百結肘時見一吞米汁盡一石

誰知叱咤風雲生萬里天閭在八席左手  
招豐饗右手挽箕伯五丁六甲惟所用獨  
鏤橫空揮白日立笞老龍龍子怒疾捲銀  
漢千百尺列缺蚩霓爭搏射川陸竄置天  
地黑肥蠶條蠅眇何處但見女魃垂頭而  
喘息須臾雲淨留空明千樹萬樹吐華液  
然後磔鷄擊犬作飲食長叫淋漓浮大白  
騰身欲上扶桑側君不見樊英水巒巴酒

驅使造化在其手魯陽卻日日不進愚公  
移山山亦走古來妙幻等閒事蹈水履火  
何不有汝真長房孝先之偶何不躡蓬丘  
上玄藪尋元始太乙而爲友又胡爲乎向  
泥涂而抖擻作人世之芻狗

田家行

君不見銅山峨峨高百尺金谷委蛇帶金  
埒瑯璈翠戶千萬重吐納煙霞貯白日陽

阿激楚不甞停朝舖夜讌鳴鐘食須臾富  
貴石火逝曲池高臺事非昔又不見五侯  
七貴凌至尊意氣由來山可吞一言報讐  
亦報德紫綬金章皆在門世事反覆多變  
態春花秋月不相待多少王孫泣路岐區  
區田竇復誰在曾若田家老翁於世無所  
庸角巾芒屨裘蒙茸茆齋結臨石上澗繩  
牀懸對松間峰五株楊柳爲藩屏百疊簣

管當素封長男號老圃次男亦上農八口  
腹得果國稅亦以供門前府帖絕不到杯  
酒大嚼葡萄酒醲書不必皇甫謐豪不必禰  
正平詩不必阮嗣宗仙不必衛叔卿計然  
猗頓齷齪甚衛霍之輩鴻毛輕揮金詎羨  
魏公子刎頸寧學田先生日與羣狙繞樹  
坐慣騎一犢前山行曲臂高眠梧葉冷竦  
身大叫松風輕自言貧賤可肆志鵲印纍

詩家補和卷之六  
十四  
纍亦何事風波不到巖阿中  
劔戟豈生田舍內  
携筇但赴隣人招  
排藿長辭長者騎  
吁嗟乎城郭幾回換  
滄桑易顛倒只今誰  
是魯靈光紅顏少年髮  
白早蝦蟇墓陵上悲  
枯楊丞相墳前泣  
蔓草世間惟有田家長  
子孫百年坐對青山老

壽談母九十短歌

君不見於陵妻伯鸞  
婦從夫食貧抱箕帚

又不見蘇若蘭  
曹大家女紅之暇能操觚  
談家阿母兩相似  
賢能秀慧世所無  
烏篆蚪文無不識  
錦紋詩向天襄織  
只今老去雙瞳明  
婆娑猶自親文墨  
阿母有兒五十餘  
丹顏黑髮反不如  
燈前不律不堪展  
母也爲作蠅頭書  
人言母是萼綠華  
曾餐仙棗大如瓜  
他年若占西王籍  
願傍瑤池乞紫霞

青城山歌送雷道人還青城

吾聞神州洞天三十六青城之山居其一  
一自蠶叢開國五丁鑿其中往往多仙宅  
金膏玉乳鬱禳穢琪樹瑤花多苾芾石廩  
長封萬古糧芝田可作千年食群真列帝  
知有無羽蓋從風但瑟瑟垂垂靈棗大如  
瓜歷歷丹書澤於漆君家本是神仙胎偶  
然墮落來塵埃天宮帝者不忍棄至今猶

向三巴哀君胡舍此玄都下人世浪逐高  
軒與甲第雖然海鳥視公卿仙袂王門豈  
堪曳以茲軒然大嘯便回頭去覓蓬壺舊  
日遊不愁灑瀨堆如馬那怕瞿塘峽似牛  
石牀丹竈曾無改五色霓裳至今在玉童  
十二駕蒼虬齊向桃花洞門待願君以此  
爲福庭小住其中十萬載劇餐氣母貯元  
苞大酌玄漿佐真宰余乃嶮崎歷落可憐

客長向深山覓仙跡他時問道拜下風請  
以青城作黃石

女媯行爲申老夫人壽

萬劫以前天乍剖洪濤汨汨白日吼地肥  
小茁玄芽萌陰陽草味亂奔走元始神人  
爲宰持斟酌氣母奠羣有此時斗氣未堅  
完洩漏沈瀆長不乾九野傾欹圓蓋裂復  
恐大陸成波瀾女媯因煉五色石雙手補

天如弄丸格澤列缺不敢橫三辰五曜咸  
周旋功彌穹窿亦細事霧鬢雲鬟下人世  
世間缺陷誰能全惟有君家差快意大兒  
乘朱輪小兒列紫隊堂前立曲旃雲外起  
甲第夫君黑頭拜上公麟閣旂常勒姓字  
燮理調元藉夾持昔時補天今補地君不  
見許飛瓊萼綠華服食不斷千年砂身騎  
白鳳凌紫霞徒然自煉形與骨卽有靈氣



詩多者種卷之六  
何足誇曾不若旋乾轉坤之女媯

錫山寺觀塔燈歌

錫山等崕嶮勢與九龍敵紫翠亂紛披蔥  
菁鬱相射龍宮鹿苑莽荆枳剩有宰堵千  
百尺八角懸羅網四壁儼丹雘欲墮不墮  
罡風扶青霄雷霆白日黑僧彌守護不少  
暇往往燒燈過子夜格澤噓煙天外來祝  
融吐燄雲中瀉大如金輪挂玉岑細如舍

利散珠林澹如冰綃印水月熾如寶地鋪  
黃金踈如一點兩點明星光歷歷密如千  
樹萬樹紫實垂森森初疑蔭界爲炎國又  
惟祇林作火宅九微何事及諸天太乙偏  
來照禪室此時天龍應向燭龍護屏却雨  
師與風伯君不見豪家火樹重重影繡幕  
旃檀宵不冷銅山金穴俄頃盡鳳管鶯笙  
盡悲哽又不見十二青樓朝日杲銀缸寶

詩集卷之六  
炬香繚繞春風桃李不相待昔時艷麗今  
時槁嘆息人間世光燄如電疾爲墮無明  
網慾火燃七尺何如對此浮屠下一燈熒  
熒坐佛日誓令心似吠琉璃不遣塵根礙  
虛白

男兒可憐行送吳無倚游衡山

男兒可憐蟲跼踣守蓬葦寰中有五嶽曾  
不得其一一枝偃息似鷓鴣四體棲遲若

蟣蝨惟君生平最好游蒯緱長鋏無時休  
南尋豫章域北踏幽燕州黃金臺高雪片  
大滕王閣傑風聲迢武夷九曲橐中貯少  
室三花杖外浮其餘吳山越水若八席不  
足侈我雙屐之延揆偶爾大鵬六月息又  
向青冥振長翮雖然屋壁類少文怕作臨  
邛倦遊客便騎欵段出門去妻孥有口任  
交謫此時二月春陽明黃鸝紫燕間關鳴

陌頭沾衣杏雨薄馬上拂面梅風輕忽然  
辭我湘東行云將擎天柱上朱陵踏徧七  
十二峰之崢嶸奠鄴侯以椒醕訪君章之  
故塋然後揚鑣雲夢澤擊缶岳陽城巫峽  
靈祇爭擁護蒼梧環珮勞將迎嗟君不慣  
游金張足躡珠履升華堂鞠登上壽捧玉  
觴君又不慣游狹邪千金爲裘馬五花男  
女雜坐聲喧譁秦箏趙瑟胡琵琶但游九  
州與六合掇盡名山小白華縱橫雕管更  
誰敵舒我胸中萬片之紫霞嗚呼尚禽何  
足誇嗚呼尚禽何足誇

短歌送錢虞伯游武夷

憶予挂冠時曾着慢亭屐長揖武夷君許  
我分半席蹉跎別去不計年抱甕獨灌梁  
谿田欲往從之道路艱羨君此去如游仙  
金鞵玉勒鍊連錢純鈎稜稜血色鮮直從

玉女凌紫煙揮毫灑徧天南天夜見海日  
離離懸海門出日日漸午七閩山色爲君  
吐延平龍劍忽起舞南薰將雨過金崎此  
際應饒鮮荔枝無諸臺上晨風便一札分  
甘莫待遲

陳猷夫家於楚廿餘年矣而以瞽廢  
頃歸梁谿居亡幾何又便入楚于其  
行口占數語送之

君本梁谿人栖遲雲夢澤作客三十年纔  
一返鄉陌還家一何遲入楚又何迫雖然  
失却安豐眼不廢阮孚一兩屐瀟湘水氣  
深蒼梧雲片白巫峰拔地造崇嶺去天尺  
江山滿目不可辨口談名勝殊嘖嘖眼中  
不識口中道令予聽之欲絕倒便欲從君  
問祝融七十二峰拾瑶草君家病廢本無  
害就中自有神明在十年不見調轉高却

詩象卷之六  
使人間刮目待

送一公遊匡廬

一公一公絕世緣手持貝葉舌吐蓮六時  
打坐身不眠軍持苔蝕繩牀穿梅檀龍從  
生紫煙石燈熒熒對佛燃十指調象繞膝  
前鉢中之龍何蜿蜒鷄園鹿苑日抖擻又  
向儒林覓魯叟詞源倒峽一何陡腹笥藏  
書窮二酉道林之屬法蘭偶登壇掃筆禿

如帚一公由來是遠公前生住在匡山中  
香鑪峰高聳碧空瀑布千尺聲淙淙十八  
高僧禮拜同鐘梵直與西天通君今去向  
匡廬度神颺蕭蕭莽煙霧山祇負弩道前  
路嵌羅吉遮爭衛護獻以菴梨大如瓠齊  
扶錫杖雲中駐前身後身定相遇不信請  
看雙株樹

癡絕行贈詹淑正

詩集卷之六  
君不見顧長康王懷祖癡名在千古小黠  
而大憨放浪不踰武其餘禰生顛阮生傲  
雖有清狂那足數詹生詹生爾絕奇一飲  
立盡三百杯醉後懵騰倒接羅手把缺如  
意擊碎珊瑚枝大叫闐闐星辰移神龍威  
鳳不敢行天墀爲言造物真小兒盜跖一  
何快孔顏一何悲使我躑躅心不爽有時  
使酒罵貴客不問薰天與灼日五侯當之

咸辟易有時跳地作虎子咆哮一聲百獸  
死里巷爭看聚若市不然樽前學游戲累  
丸射覆有餘地傀儡只憑雙腕間偃師木  
會如人意長歌曼聲妻以厲六十老翁善  
狐媚予觀詹生總不癡秦章漢璽惟所爲  
錕鍔切玉如截脂五花不律工臨池蚪文  
鳥跡紛纏緹雖然七尺形頗穢意氣直與  
蒼旻期純鈎血浸光陸離荆卿田光汝所

師何論區區顧凱之

贈許生后卿五十詩生善裝潢

一自羲之凱之開創力丹青字畫始向人  
間出生綃側理只銖兩購以黃金不可得  
有時流落堞壤中膏殘馥剩光朦朧墨花  
一綴宛如舊巧妙全在裝潢工許生得心  
能應手郢斤庖刀真不偶千年神物幾棄  
擲得汝冰刀便不朽有錢不復治生涯只

合從人把杯酒生今墮地五十年形貌口  
吃神獨全世人妙墨藉爾傳又胡須身親  
弄筆窺丹鉛

剝啄行酒間贈劉君典

樓頭紅日十丈許主人高眠猶未起衣冠  
揖讓絕徒侶庭徑踉蹌只聽鼠翟公之門  
無轍軌忽然剝啄不住聲短衣來自闔閭  
城入門下馬發大叫把臂意氣縱橫生手

詩家補遺卷之六  
二十四  
持曹丘積一尺云是閩左詞壇伯雖然太  
丘交道廣願得荊州面一識有酒相將盡  
一石露葵色紫霜柑赤曾惜燔鳧與炮鱉  
吾儕往往只藿食高談玉屑飛四席金湯  
堅持任彈射瞥眼又見東方白知君有才  
賦鸚鵡眼前詞客那足數令予一見握肺  
腑上馬別去迅如虎依舊蓬蒿掩環堵藉  
書高眠到日午

飛泉行雨後山園作

吾家別業開山中飛樓伏檻銜碧空山頭  
那得靈沼在別有泉脉陰相通疏泉鑿石  
爭搏擊轟轟應教巨靈擘雖然穴底不盈  
掬雨後飛泉數十尺會來百澗合漩滾陡  
向諸天下瀟瀟猛如白日走霹靂疾如萬  
弩張侯射鉅如崑崙泰華圻散如迴風蘋  
末灑霖霖亂如三軍倒戈各辟易長令醉



言身者利卷之六  
三五  
客清心神又使游人蕩魂魄吾家食貧少  
供具賴此山泉餉佳客君不見匡廬瀑布  
千尺許瀉作潯江三百里蛟螭罔兩從中  
起又不見龍門積石天倒開魚龍愀愀日  
夜哀濂灑之水何爲哉吁嗟乎鵬舉挾九  
霄斥鷃困蓬澤小大雖有殊各自適其適  
山園飛瀑有如此寧問匡廬與積石

短歌贈堪輿游生

形家雜如蟻往往類無目手持青囊書一  
字不解讀誰從地下識金銀只向人間索  
錢穀游君生來有妙術辨得牛眠與馬鬣  
胸羅星緯奪天工手把陰陽竊地脉君家  
旣似郭景純又如楊救貧金鳧玉匣千載  
事瞥眼一見知其真門前咫尺盈車輪筐  
篚合沓如雲屯世上術者徒紛紜

新安洪生精工印章稱海內絕技爲

作歌貽之

結繩已往蒼頡出鳥跡蜿蜒作書契文明  
一竅鑿且破混沌既死神鬼慄至今冥茨  
幾回換銅槃石鼓眼不識洪生好古非等  
閒六書八法窮鑽研惜哉蝌蚪今不傳使  
我扼腕先秦先手持錕鋸精鍊鑄鼓刀而  
割聲驕然琳琅玦無餘堅龍節虎符何  
有焉吁嗟洪生真太奇鰲面折額無鬚眉

舌本木強多期期出門便欲擲瓦礫不知  
其中五色藻思長淋漓問生之技胡獨爾  
世間百事都不理口不問濁醪手不問羅  
綺狂不似禰生游不似尚子蠲煩破疾悉  
賴此但於此道得三昧老死一壑吾足矣  
以此聲名日鵲起日子避跡托蘿蔦狂來  
尚結千年調臨池搦管隄糜香龍蛇亂逐  
鸞箋進誰能爲予作印記洪生之章得其

詩身者利卷之六  
妙爾技一何妍爾貌一何藐執爾之章對  
爾面不覺啞啞掀髯爲失笑

林屋洞天歌

我今顛毛禿如帚纔說名山便抖擻乘舸  
來作問津人芒屨藜筇踏洞口曾聞洞天  
三十六林屋之洞爲第九左神于此治幽  
墟金檢瑤函出其數誰役巨靈蹠誰使鬼  
伯手雕刻后地窮萬變造化直與人工偶

鷲搏猿爭猊蹲象走玉蕊離離瑰柱糾糾  
衆妍紛呈妍羣醜亦獻醜世間物狀無不  
有我衣犢鼻偃僂緣蹠踣沮洳行不前渾  
疑萬古杳長夜別有一線開青天石牀輪  
菌似可眠兩足如臚且息肩束身而出意  
惘然同游年少何勃窣蛇行蟻走入偃側  
日月千年不肯到雙炬把作烏兔力屏炬  
凝眸乍摩豁鳥篆蝌書盡髮髯手持不律

言身者利之六  
獨自掃大書特書乃始出令我老人空歎  
息吁嗟乎人生貴作升天游跳躍八極隘  
九州驂駕紫鳳騰蒼虬胡爲乎齷齪一洞  
間咫尺羅艷幽笑彼禹書何足求十七日  
返空淹留靈威丈人非我儔

登縹緲峰觀風濤沸起放歌

憶昔鴻荒未經割天地塊然只一物亡何  
混沌鑿且破元氣淋漓日汨沒瀦爲巨浸

號笠澤洩作大海是溟渤笠澤之間洩不  
足中留翠嶂波心轟芙蓉離離七十二直  
從縹緲爲僕役巍然高座自稱尊餘者參  
差禮其足我來直躡山之顛手把玉節朝  
上天罡風吹人不得墮兩腋習習如飛仙  
陡然六合黑千尺銀濤懸天吳玄夷擊節  
舞土伯九約鬢鬢戴角而騰騫乾樞吳越  
盡地軸東南偏但見鮫宮鼉窟出沒煙波

詩集卷之六  
間須臾鯨匿虬龍屏豁開大地山河影渚  
清沙白土一區橘綠楓丹入萬井瑤天雲  
樹遠迷離玉嶼霜花近踈冷乃知造化多  
反覆世間萬事無定軸夫差霸圖安在哉  
惟有山月湖雲長在目君不見伍胥報父  
仇鑄鏤空賜死英雄千古恨化作怒濤起  
又不見范蠡自謂高舟載夷施逃神仙那  
可學貨殖徒爾勞我不學靈胥恨亦不學

少伯浮具區吾湯沐縹緲吾閭丘閒田廢  
宅倘可買便欲于此營菟裘綺園角里相  
夷猶千秋署作五湖長安能忸怩顏面交  
公侯

煙波醉漁歌贈陳猷夫

吁嗟乎陳生食無二頃田負郭居無一椽  
傍丘壑婦無鹿門共耕作見無謝家玉樹  
歲蕤發華萼游無陸賈黃金裝長櫂蒯緱

動蕭索腹中萬卷自淋漓筆端五花空錯  
落鎔錙羞澀氣不吐虛說如山重然諾以  
茲鬱鬱不快意浪逐扁舟釣魚去鼃鼃澤  
窟是吾廬颺颺深宮爲大地脫帽大叫海  
日紅散髮高歌渚雲墜大魚昂藏作人立  
小魚喁呷如雲集肥魴薄鮒紛楫楫掣三  
牽兩何由及我今不必盡致之令作枯魚  
過河泣乃知漁翁之意不在魚金壺玉贈

非所須放棹那知人世事投緡絕勝王門  
裾有時舉網亦舉杯醉後耳熱剛風來紅  
濤一卷白日晦碧浪再蹶青天開鳧鷖鷗  
鷺咸吾儕五侯七貴何有哉君不見任公  
子箕踞會稽山垂釣大海澳若耶之東蒼  
梧北得魚人人可饜足又不見詹何下絲  
綸能出千歲鯉古來至人盡如此沙棠之  
舟湖水曲煙雲油油煙草綠蒹葭扶踈飛

屬玉花笠蘿衫赤雙足爛醉不知天地旭  
陳生襟懷亦不俗

口占戲贈辟穀張道人

子房謝列侯身事黃石公  
道餐鴻蒙彭韓菹醢事及履脫屣而去真  
英雄夫君學道人由來是其齋排棄火粒  
亦如此不噉香秬噉綠蟻如澠之酒秣所  
釀胡不食粒啜其澹君家留侯恐不爾

大梁張震之爲余寫小像不徒形似  
并得其髓且所布樹石佳甚爲作歌

貽之

君不見稽延祖野鶴昂藏逐鷄伍又不見  
潘安仁出門擲果盈車輪王恭濯濯如春  
柳裴令瑛瑛似璧人天成粉面何平叔生  
來青睛徐孝穆謝覽芝蘭竟體芳李膺松  
柏當風肅古來俊傑盡如此能以琳琅別

魚目我今顏面老非昨布置鬚眉差不惡  
凱之探微久不作世上紛紛浪盤礴誰能  
爲我舒丹青將余置身在丘壑縱於骨相  
肖峻嶒未必神情得蕭索以茲米絹十尺  
久置棄不向人問乞丹腹君家運腕有餘  
地解牛妙手斲輪技於余邂逅心神孚掃  
筆縱橫太如意不獨雙瞳炯炯類娟好居  
然寫出真懷抱雖然語笑不聞聲合家小

兒見絕倒五官百體天作合誰知今復因  
君造君家本是將門子覩得箕裘若泥滓  
帳下深韜繁弱弓腰間不挂忘歸矢每依  
羅刹度韶華耻逐嵩陽問桑梓羅刹棲遲  
二十年兩高花雨六橋煙奚囊紫翠貯不  
盡剩有蔥菹時時懸所以閭立德郭恕先  
趙伯駒李龍眠徐熙蟲卉曹達梵仙南宮  
雲樹北苑山川信手索摸無不然會意長



詩集卷之六  
三三  
在阿堵邊余於此道亦不淺老去猶能具  
隻眼習者何多擅者鮮宋君而外再見君  
畫苑如林此其選嗚乎一切余已矣何況  
繪事區區耳昔日聲施付流水看君名譽  
今鵲起

八月十五夜徵集羣公候月山園酒

間放歌

嗟予生平無所好獨好清泉與白石陸羽

情鍾轉自笑米公癖在除不得九龍之石  
何離離九龍之泉泉更奇澄潭百尺深見  
底毛髮可鑑清心脾我家菟裘在山右流  
可枕兮石可嗽鑿沼惟憑漢叟棹爲山不  
待秦鞭就雖然勝麗遜金谷薄有亭臺枕  
山腹迴堤複磴相獻酬反宇駢房互降服  
攫踢虬龍泰岱松翱翔鷓鳳淇園竹平時  
得月自嬋娟今夕清光更復妍天花亂撲

銀蟾面月桂橫擔玉兔肩陂塘倒浸精微  
天廣寒仙宮咫尺間令我欲挾姮娥眠名  
流三五非等閒意氣崢嶸凌飛煙一飲醇  
醑各十千醉後劇作禰生顛或操不律大  
如椽或携綠綺揮五絃或持吳鉤灑血鮮  
或臨清池掣巨鱗或把玉笈談玄玄或坐  
蕉團學四禪或挾陰符樹下讀願赭蒲類  
銘燕然月中跳梁有如此格調豈讓黃初

先餘者鹿鹿何足有依依亦是林中友漆  
城葬馬善恢諧射覆藏鈎稱妙手伊州梁  
州聲入雲秦青延年是其偶不然傳籌代  
筭酒得間還司輞川帚卽無墨汁瀉淋漓  
惡謔鄱陽不出口而我生不善醺醪亦有  
閒情差不俗捫舌尚譚天不歌能度曲興  
來長典相如表詩深頗刻淳于燭慚非牛  
耳葵丘主列辟何當受約束此時月姊儼

飛來此際山靈掃石待我題崔嵬蘭亭不  
聞明月在西園徵集未必一一羅英材曾  
若糟丘詞壇竝豎愚公公良宵萬古風流  
開區區辟疆何有哉吁嗟乎區區辟疆何  
有哉

陶明逸自寫山居圖索詩爲作短歌  
君家閭門人不好閭門住深山卜築屋數  
椽前門清溪後綠樹屋中何所有有琴亦

有樽雞栖在牀頭犢卧當籬根問君是何  
裔乃是五柳先生之子孫多君腹中有丘  
壑菟裘落成自盤礴青山只向毫端索毫  
端寫出宛吾廬丹鉛設處煙霞舒爾家五  
柳先生亦不如

西泠歌弔蘇小小

銀塘石出水痕淺芙蓉花踈蓮葉卷雙飛  
屬玉啼輕煙喚得香車日憚憚金飈吹車

出人面桃頰凝脂雲鬢軟天空蕭蕭逗黃  
葉我來自理雙頭楫輕衫搖櫓去委蛇卯  
酒纔醒氣力怯西泠橋西山岌業蒼苔何  
處理香靨粉黛時時叫杜鵑花鈿片片飛  
蝴蝶同心竟誰是松柏長如許畫眉不可  
得青山儼對汝君不見南內宮娃十萬多  
怨紅愁綠死奈何生不覩芳情死去空綺  
羅曾若青樓翩翩一妓女千載行人說翠

蛾

歌送俞孺子游嵩山

俞君少年越流伍目無全牛氣食虎手持  
三寸銀不律對白抽黃日旁午有時斃斃  
見公卿睥睨簪纓若塵土昔年曾上燕都  
游朔風颼颼吹敝裘酣歌擊筑長安市一  
洗胸中萬古之窮愁席門偈仄軒車投金  
吾騎帥爭獻酬黃金要致坐上坐不若買

醉胡姬舊酒樓此中賈名亦賈禍匹夫能  
千萬乘怒頭顱欲碎旋得完不死倘有明  
神護得死不死名愈起人人道是奇男子  
田光朱亥盡等閒荆卿聶政小兒耳歸來  
落魄金閭居左手持螯右手書箬笠慣騎  
桑下犢米刀自膾盤中魚手不彈長鋏足  
不曳錦裾七尺之外非所須只從山水脂  
吾車脂車向伊洛昨夜發吳關慷慨就予

別行行指嵩山吾聞嵩山高巖業四岳之  
中陡然設芙蓉幾萬片二室東西列長男  
與少女妙烝所融纈惠師立雪跡尚留王  
喬吹笙聲不絕又聞貝多樹其柯千萬載  
一歲三發葩華落期無改玄風法馭知有  
無佛印仙踪至今在君游二室間三花白  
於絮行逢河上公携手入雲住雲中鶴駕  
時往還月明山空不知處絕勝彼問俠耍

言象者利卷之六  
離弔隱梅福挂席五湖濱弄棹橫塘澳聽  
茂苑之鷓鴣友長洲之麋鹿天南一隅良  
齷齪此游嵩高真壯圖環中手把天地樞  
風雨交會羣靈趨一岳將令四岳俱尚平  
地下立可呼卧游者子胡爲乎此游嵩高  
真壯圖

短歌贈四明老人張平叔

天地荒涼日月死烈風如刀刮眸子地爐

楫樞煙火殷瓊瑜榻薄於紙篝燈方作  
苦寒行以杖扣門者誰氏雀羅袂入定喘  
息云是越中官奴城上客春秋已逾八十  
齡家世由來二千石手把埤堦浮大白一  
斗以後牛可食彩筆淋漓散瓊液文通老  
去才猶昔不慕五侯慕五嶽不游七貴游  
七澤吁嗟乎人世如翁真罕有何論區區  
絳縣之野叟

短歌贈袁孟逸袁善卜工詩

多君介不必似梁鴻賃春獨傍臯伯通隱  
不必似梅福托跡胥徒為人役一生惟學  
嚴君平錦官城頭去賣卜得錢酤酒便垂  
簾戶外紛紛任握粟酒酣却枕周易卧陽  
鳥東飛已上屋五花不律兼在手哦得詩  
成卽運肘誰知禿髮一老翁大曆黃初無  
不有君當桑榆年予亦垂老日榮枯不向

詹尹質他時握手闔閭城把酒論詩共促  
膝

月中宮闕行爲許同生令公題扇頭  
畫

紫宸岩峩霄半起玉刻金鋪被文綺馭娑  
駘蕩儼層層朽詣天梁鬱嶕嶕丹柯碧幹  
上瑤楹瑶草琪葩簇香屺銜壁金缸列不  
燃玉螭飛入皇都裡溫房密室欲生寒萬

戶千門淨如水桂輪長逐香輪輾花印欄  
杆詰曲轉韓娥無力倚金屏吳質不眠聽  
漏板此時合殿舞陽阿此際層城笑語多  
爭携龍鼎焚玄麝盡向鸞篋寫翠蛾鳳皇  
臺上教成曲鸚鵡籠中學得歌歌容舞態  
紛綽約纔過披風又長樂五夜貪看抱杵  
兔六宮喜見填河鵲獨有長門無人塵不  
掃彤墀寂寞生秋草縱得纖阿徹夜明抱

衾空待君王老只知團扇是冰紈誰解清  
光若瑤島一悲一喜月明中三五揚輝處  
處同主德無瑕麟罷闕重輪欲詠賦難工

調象菴稿卷之六



調象菴稿卷之七

梁谿鄒迪光彥吉父著

七言古詩十五首

短歌贈陳性甫杜門禁足

羨君不策盧敖杖箕踞科頭日偃仰羨君  
不著阮生屐蓬蒿蒙茸居自適據梧不覺  
烏兔換出戶便嫌天地窄有時持誦學經  
行距躍不過軒與楹鷄園鹿苑在何處環

讀象者補  
卷之七  
堵依稀似化城有時斐几獨攤書學作人  
間老蠹魚伊吾一聲破寥廓百城南面非  
所須君不見至人遺足猶遺土不于蹇趯  
徒自苦四壁生涯曾不乏何必東西日旁  
午請君屏足亦觀心一片蒲團坐今古

登天目山頂放歌

我昔着屐登謝羅一百十二峯嵯峨金銀  
宮闕滿其上長松恠柏虎豹矍踴紛撐摩

元氣奔射注不盡洩作飛瀑如銀河又嘗  
手把芙蓉朝祝融撥開翼軫凌蒼穹瀟湘  
洞庭僅一勺八九雲夢吞胸中今者兩天  
目何如前兩岳登封望祀所不至天南稱  
尊徒鹿鹿誰知勝絕却似之尚平之目搜  
不足上有抽竒聳秀砭研齒萃屢屨之巖  
岫下有虹翥虬騫瀟澗潄汨澗之飛泉  
日月兩丸兩倒懸忽然無地身捫天欲墮

詩象補遺卷之七  
不墮罡風顛陰晴氣候咫尺異寒暑變幻  
須臾間下方崕嶮歷歷不知幾千萬一氣  
混沌銀濤掀其中梅檀佛座高百尺幡幢  
無塵淨如滌星斗翕赤金繩高霞燦襍襪  
仙掌赤諸天廣樂聲嘈嘈非竹非絲亦非  
石神龍威鳳遞往來列缺虹蜺相注射又  
有團瓢小結如巢窠雲氣扶立山之阿地  
窮脉絕那得到雲梯接絕始一過門前剝

啄人應少洞口寢食猿司多君不見高峯  
中峯兩僧骨已朽香火青山歲月久條衣  
法鉢出上方山鬼山偃爲呵守又不見道  
陵真人於此煉玉液元君接之上仙籍法  
力千年長子孫名山號作靈真宅又不見  
昭明讀書此中住暮雨朝霞歸繡句彩筆  
能開六代先勝地才人兩相遇乃知此山  
蘊靈毓恠何不有曾與區區尋常鸞鶴偶

玄亭白社清都墟五石三車六籍藪我今  
誓將誅茹結屋當青蒼揭車爲柱蘅爲梁  
緇衣素襪黃精糧道耶釋耶兩不妨但不  
如昭明決裂鹵莽失却如來義天目分經  
兩目盲

喝石行

有序

欽法師住徑山有巾子山人者來參師  
師問何能曰吾能持俱胝等呪神力無

比師指坐後石屏汝能裂之否遂叱之  
爲三師因度爲弟子

君不見剖腹如瓜光陸離縮身帶孔昇天  
陞吞鍼嚼鉄甘如飴梵音彈舌驅蛟螭北  
巖高松一夕移雨霽狼籍揮楊枝浮屠自  
立山倒持拔刀割石生漣漪餵食虎口克  
其饑分身五百應齋期鉢中龍甲紛葳蕤  
山鬼服役如小兒古來有道天人師逞逞

變幻多神奇天目中子氏者誰六通神力  
邁等夷如屏之石何疑疑喝之爲三立路  
岐千載巖嶭如穹碑分三合一不卽離琢  
削巧妙經班倕石兮蠢菌夫何知頤指委  
命猶若斯况彼區區靈覺爲不獨僧神世  
所推彼石之性三生貽空門宗風日漸衰  
熱棒冷喝將焉施嗟嗟人爲石所嗤

羅浮篇送王德操游羅浮

越來一勺水虎丘一片石王生結茆此中  
住萬卷圖書堆四壁有時獨策一藜筇鎮  
日長停雙蠟屐東不過桐江澗水箬溪頭  
西不過烏衣鳳臺白鷺洲軒序躑躅如蜉  
蝥自言能作汗漫游口中五岳當九州今  
年八月楓樹秋忽提長劍之羅浮羅浮之  
峯四百三十二一一標奇與毓瑞金芝瑤  
草耕虬龍玉籙琅函守魑魅復磴時要列

詩象者稱卷之六  
五  
缺鞭幽崖不到羲和轡數圍山竹闔琳琅  
千尺石樓啣鼻鳳王生攀蘿躡葛穿蒙茸  
手扶罡氣凌穹窿路迷境絕不得進長有  
五丁前導鑿石開青葱安期道者稚川仙  
翁火棗大於瓜丹砂赤似虹梅花千樹萬  
樹搖天風何姑仙姬服食煉性居其中彷彿  
今與羣真通越來虎丘勺水片石在何  
處六合一點青濛濛百粵豪華襍無數朝

歌白苧暮朱鷺豈無七貴與三公王生掉  
頭不肯顧洞口啜盡羅浮霞便指金閭問  
歸路

園中桃花爲風雨所摧敗歌以傷之  
余非武陵人好種武陵花絳綃爲質錦作  
葩紫文緗實紛交加千樹萬樹舒明霞玄  
都爛熳宛然似華林灼爍不足誇武陽女  
兒妬顏色對之不覺長咨嗟日余婆娑偃

言象補種卷之六  
六  
蹇坐其下流蘓障比虹梁跨如澗之酒千  
百斛朱絲玉壺幾回瀉高燒寶炬照歲蕤  
艷彩流膏長不夜爲語天公善護持好使  
園林長聲價豐隆既不仁屏翳又以酷青  
天淋漓雨脚暗白日黯慘電車促妬花風  
雨可柰何掃却天華淨如束散如廣寒紛  
紛下金粟碎如珊瑚擊裂走紅玉委如明  
星墮地光相觸沒如龍宮蕭騷滅龍燭灑

如杜鵑啼血紅亂續乍看繡萼聚成帷瞥  
見瓊英墜爲褥洞口由來善笑人此時齊  
向東皇哭爲爾招魂不得來舉杯樹下行  
不于君不見班婕妤君恩中道變咫尺不  
相見淒淒長信宮秋風泣團扇又不見漢  
王嬙歛怨犯胡塵琵琶指調嗔丹青誤嬌  
面娥眉愁殺人人生榮盛那足倚風波無  
常突地起昔時嫵姣今披靡晨光瑩瑩暮

詩家者稱卷之  
光紫不獨桃花有如此

花間浮白行在愚圃作

生平膏盲在泉石割得烟霞千百尺曾無  
金谷鬪繁華薄有瓊英布丹艷瓊英解語  
亦含顰膩粉勻脂賽麗春當風寧讓翡翠  
幄委地却似芙蓉裊予本團焦學佛人六  
時常轉空王輪芳心不離雙樹下此際亦  
與花相親艷舞陽阿翻扇影嬌歌子夜低

梁塵瑀盤擎魚霜片片銀槽壓蔗冰粼粼  
一吞蒲桃罄一石不知倒却玉嶙峋旨酒  
盈樽客盈席觥籌縱橫迅如織劇談白馬  
豎金湯大叫青天岸巾幘牛飲鯨吞皆敵  
國瑋璫大嚼不遺力銅龍聲乾銀漢仄自  
言我等高陽徒主人有酒莫深惜主賓相  
對各各嗟美好元無百日花年光閃忽如  
流霞西園樓頭窺舞燕北印山前啼暮鴉



詞家春和卷之七  
曲池高臺有時盡珠襦玉匣胡須誇勸君  
有花便酌酒公榮爲徒伯倫友花間得署  
醉鄉侯絕勝腰懸金印大於斗莫作區區  
牛馬走吁嗟乎莫作區區牛馬走

游女禮佛行

烟光醅酹風如癩柳絲織就花欲燃軟莎  
匝地青芊綿滑蜂狂蝶何踟躕紅殷翠漬  
婪相間東皇驅人不得眠丁東漏盡結束

出金蓮踪苔破紫錢老鴉盤髻鬢蟬柔  
骨婉轉行輕烟香風颼颼送香轂王孫寶  
馬相追逐乍疑神女度江臯又似湘娥倚  
湘竹估得頭珠值萬錢暗數緗裙十二幅  
入山上殿禮瞿曇阿羅天人座竝參座前  
昵昵私自祝不因求福爲求男踏青蹇禱  
異流俗真心曾不到淇澳旁人錯認牽情

園林避暑歌

赤帝騎赤龍飛烟煽平野味鳥競爲殃大  
塊都如赭洪鑪疊火烘日望銀潢寫幽脩  
小築別一丘陂塘六月如三秋白鋪門深  
雪葢亂青油幕淨霜花稠密篠驅炎如劍  
戟駢蘿却日踰兜鍪風吹古枝咽不盡時  
復剪斷天邊璆祝融虐政不得投雖有格  
澤難爲謀銀塘水碧如醞醪乳鴨臨塘抱

雛浴柳縷垂垂弱貫錢蘭芽纖纖寒削玉  
啣花么鳥語輶輶躡草新蹇忒趑荷葉  
擎來日蓋張藕莖折斷冰絲續主人袒裼  
曳敝屣曲几方床石苔紫數卷多羅坐老  
僧一爐沉檀立小史劇語縱橫辨堅白新  
聲淋漓校宮徵濁酒芳肴禁不設自剝鷄  
頭與蓮子門前剝啄一何早筇聲特特花  
間道祇容蠟屐任徘徊那得披衣爲顛倒

阿戎樂令倘有之相與玄言亦自好玄言  
未已義馭匿纖阿牽將玉兔出酒酣喝兔  
使不行爲我淹留作佳客清光留連夜未  
已只恐花露滿身寒入髓

短歌夏日送幻上人還武昌兼游峩

眉五臺

剝却千赤髭跣却雙白足來從武昌邑歸  
亦漢江曲金僊像貯綠皮囊寶字經擔白

藤簾雖然擲錫冒炎威不似人間襜襪觸  
五臺冰峩眉雪一片飛來禦煩熱六月長  
將破衲披三時自斲枯松蕪口持無生偈  
手把降魔訣波旬驚竄珊瑚舌爲問文殊  
晉賢何處是岫雨巖雲自生滅

木陵丈人行贈麻城劉長史

木陵丈人名家子才華八斗薄青紫偶然  
試吏曳長裾拂衣歸來卧桑梓木陵峩峩

石齒齒君家詞鋒亦如此登壇作賦擬三  
都對客揮毫擅四始作賦稱詩秣林伯小  
巫見之咸辟易每持鉛槧寫珠璣更學刀  
圭問黃白芝鼎香深急搗芝石厨煙清細  
燒石君今春秋八十餘雙瞳碧色神情舒  
有兒八九孫數十啜酒噉肉俱不如氣可  
食牛兼縛虎但言五嶽便驅車懷中光焰  
生不律腰下星文出辟閭奚囊赤久一無  
有出門長向天涯走玉局仙翁是爾師夷  
門屠兒亦其友吁嗟乎唐且掉舌工獻諛  
林類帶索田間趨九十以老將何圖老無  
知識徒區區曾若木陵丈人披烟駕霧遊  
汗漫勃磈羞與妻奴俱

廣陵小姬行爲林若撫所懽賦

廣陵小姬年十六明珠涵蚌玉在璞無端  
失足青樓娼閒倚春風弄絲竹小家碧玉

最堪憐學得清歌子夜妍朱絲約腰袿襯  
鳳玉龍盤頭髻驪蟬可憐朝賣成都酒可  
憐夜數河間錢清歌一聲檀口出梁塵低  
飛雲片匿蘓家小小未必如俗眼朦朧更  
誰識姑蘓才人二十餘鑿壁窮探宛委書  
名高琬琰連城重筆掃烟霞五色舒少年  
志意在千古博得人呼老蠹魚虎繡龍珞  
魚且蠹走馬時向章臺路路上爭看馬上

郎揚鞭忽得小姬顧一回一顧便知心白  
日青天指誓深此時便結同心帶此時便  
理合懽衾衾連帶結心相許膠漆稠繆難  
比擬願隨寒節學松楸不向春陽作桃李  
桃李爲顏蘭蕙情握肝披膽杯交傾酒籌  
如矢飛縱橫葡萄發艷琥珀明鴛被熏爐  
熨帖平雙星天上徒盈盈小姬微酣枕君  
股銅龍聲高月欲午

詩家雜稿卷之二  
短歌爲尤生開邑河作

方祇結秀膏脉起鬱爲嘉祥何颯纒立旃  
食鼎門櫛比九渠抑塞龍渴死梁谿人文  
幾已矣尤君對之顏有泚胼胝焦勞獨爲  
理鬻田賣屋若敝屣告之河伯薦以簋不  
永肩之如白水畚鍤如雲耜如雨涸龍蜿  
蜒流瀾瀾不因自利實利彼沉珪瘞馬非  
吾以瓠子宣防庶其擬

仲熙兄有奴劉清者稍知書老善給  
事口占數語賞之

六十老奴髻毛禿手口拮据善執役新樣  
箋求上客書未了詩催主人續一肩琴劍  
肯負擔千里山川慣馳逐能飲不好酒強  
飯不食肉人奴是佛奴老僕真良僕雖然  
不比鄭家兒古賦靈光亦解讀

周良泰高  
綠沈居士歌贈劉仲熙

詩集卷之七  
綠沈居士嗟陸沉三寸不律無知音鴻都  
十上十不達抱膝空成梁甫吟以此悒鬱  
不快意慣騎款段出門去嗟峩斜帶酈生  
冠蹙躡輕移東郭履出門驅車無一錢日  
日買醉春風前春風爲我時時顛酒酣豎  
髮拔劍起立斫海水波連天一掃百幅松  
花箋霞衣燦爛雲錦鮮洛陽紙價高於璠  
文章愈高意愈廣不以窮愁失骯髒肝膽

然諾原嘗間意氣襟期廉藺上推食肯飯  
淮陰兒捐軀且匿魏廷相五侯七貴爭致  
之不肯低眉一俯仰風騷壇上乘鉞旄俠  
烈塲中當主鬯徒手歸來無負郭坐擁牛  
衣行帶索對竹差強萬戶侯攤書可當百  
城樂班楊屈宋悉鞭笞宛委連山盡包絡  
懷中綠沈只自如三寸之管千秋託伊余  
高卧梁谿頭文心已盡雄心收世間萬事

百不籌瞿曇薄迦儼相向蓮花貝葉深研  
搜見君綠沈三寸之管時技癢老婦猶作  
畫眉想

令威行壽丁太夫人六十

太靈金母居龜臺金城玉樓天外開其中  
侍者多僊材桃花兩頰長嬰孩排棄火粒  
騰九陔烟鬟霧鬢紛絡繹雙成飛瓊爲第  
一時鼓雲和拊瑤瑟脩文蚤暮操不律君

家阿母在其側手把香奩捧玉冊偶然下  
作人間匹人間雖是號五濁爾今門庭獨  
肅穆三槐婆娑五柳蹠兒擁青氈飽苜蓿  
母當白首茹荼蓼茹荼猶復啖瑤芝仙根  
不羨天星發君家有鶴丁令威羽衣潔白  
光襪襪華表一去歸何遲城郭人民異昔  
時母今駕之升天陞左挾青虹右赤螭遙  
見門庭玉樹枝



調象菴稿卷之七

調象菴稿卷之八

梁谿鄒迪光彥吉父著

五言律詩三十二首

同愆公於都羅菴結夏十首

維摩方丈地休夏亦相安甘露時時灑曇

雲片片寒沙彌供午飯穉子進冰盤不學

陶元亮雙眉入社攢

其二

忍草連書草爐香帶佛香翻令謝眺宅忽  
作遠公房桐影欣相假蟬聲任自忙真如  
難頓悟煩惱漸能忘

其三

石椀燈長在香龕夜不扃降心罷麴蘗節  
腹啖芝苓槐影僧衣薄蓮花佛首青忘言  
跌坐久大地亦沉冥

其四

投老亦投閒安禪學閉關高談千劫外會  
意刹那間善解何妨縛能空總不頑獨憐  
問字者車馬尚班班

其五

朝夕對三乘居然有髮僧諸天伴寥寂一  
雨滌炎蒸攝衽瞻金像披衣坐玉繩竹間  
禽語亂遮莫是迦陵

其六

其六

未撤無明網還爲有漏軀何緣同几席相  
沃似醍醐識佛開籠雀呼童解縛雛持齋  
今一月至味在伊蒲對面太坐王孫竹間  
多君心地淨絕似吠琉璃媿我非玄度相  
投慧遠師爐香燒柏子瓶水灑楊枝廬嶽  
名僧到經壇許一窺

其八

兀坐看心後殘經與校讐焚香長盥手見  
客每科頭蘿月明如午松濤颯似秋偶然  
拈不律爲應竺僧求

其九

可知居士室不異法王城幡競風前彩鈴  
懸雨後聲螭紋封藥椀蛛網繡棋枰酒戒  
兼難破拚虛河朔盟

其十

詩象卷之六  
三  
豪氣除難盡塵情覺漸空  
半生文債內此日法門中  
跌坐菩提月經行蒼蘆  
風笙歌曾不廢大道本融通

病間辱沈淵淵以詩代簡相訊賦答  
二首

未老身多病無愁鬢却星  
搖窓榆影碎刺慢竹梢青  
斲爾拋瑯管猶然展貝經  
絡衣如不任土木本吾形

其二

蠟屐已教辨藜筇乍一扶  
嘗秬憐剝粒剝栗喜新柎  
綠水歌聲歇青山酒社孤  
多君賦七發起色滿菰蘆

秋日送安小范游天台二首

送爾快揚舲秋江正杳冥  
石梁持咒度瀑水帶經聽  
寒袖迎衣綠霜楓墮屐青  
興公須有賦爲一答山靈

其二

去去逐蒹葭  
名山道路賒  
齋分白石飯  
衣帶赤城霞  
虎跡空王宅  
鷄聲道者家  
倘然值仙女  
莫向阮郎誇

過湖上四首

漠漠葭葦冷  
戎戎灌木幽  
牛羊牧敗寺  
鷗鷺集平疇  
傍屋山如黛  
臨門水似油  
沿堤行坐久  
砂礫滿衣裘

其二

隰坂多迴互  
呼童引路先  
白波瀦板屋  
綠篠發炊煙  
鹿豕行當戶  
魚鰕載滿船  
湖田今歲熟  
酒社盡留連

其三

十月天風凜  
津亭走白沙  
窺帘尋酒肆  
指樹問人家  
密箐長驚葉  
寒林不着花  
紅濤飛片片  
欲汎五湖槎

其四  
墻角山光注湖頭日氣微人依桑柘樂雀  
啄稻糧肥野老青藜杖村姑白苧衣澄波  
心與澹爲爾暫忘機

今歲冬日偶飲田家二首

有約長虛負無期到爾家門庭餘綠柳籬  
落盡黃花佐飯偏多肉調羹尚有瓜主人  
誇歲稔鼓掌說桑麻

其二

剝啄豈有意何當倒屣迎朋儕吾自適僕  
從爾毋驚薇蕨殷勤薦鷄豚次第烹高情  
那敢負家釀會須傾

進舟徐陶涇至淨慧寺

野艇小於葉投竿水一灣里閭無菜色父  
老盡童顏葭葦寒猶媚鳧鷖冷自閒琳宮  
何處所疑在亂松間

其二

雲葉藏深塢霜花墜野橋曉帆行易進卯  
酒醉難消傍水尋香積聽鐘認法寮相要  
無一衲敗壁草蕭蕭

程幼博持所製墨數品訪余田間酒  
半賦贈二首

何物款吾廬昂藏志氣舒哦詩大曆後吐  
論建安餘紅剗經霜橘青分過雨蔬隄糜

得爾贈白練好裁書

其二

倉皇候顏色顛倒着衣裳把酒巖更動燒  
燈子夜長多君能守黑媿我未抽黃珍重  
投瓊意臨池學仲將

聽順公於城南摩竭菴講法華經二

首

一展珊瑚舌知君有辨才鴈王銜果至龍

女獻花來瑞露沾  
瑤帙曇雲護法臺  
塵途寶筏在覺路  
若爲開

其二

空門誰宿德君是衆僧尊  
五蘊消除盡三車次第翻  
生公多妙論支遁復清言  
說法原無法毘邪意已存

族人夫婦六十

吾宗多宿茂惟爾得其全  
婦釀牀頭酒夫

耕宅畔田齊眉復齊  
老偕隱又偕賢不少  
潛龍意誰窺馭鶴年

元日試筆

人世浮如寄韶光去若飛  
業還期不朽年已到知非  
茁葉將浮碧含英欲吐緋  
生涯仗杯酒對客且徐揮

其二

一入青陽候春光作意投  
山如要濟勝鳥



似笑窮愁婚嫁麤能辦  
養殮未足謀祗餘  
千古在垂老亦冥搜

題龔子勤城南別業

玄賞區中得爲園  
近傍城青要雙岫  
矗綠受一溪橫  
脆篠牽風亂駢蘿  
綰霧輕主人  
搖彩筆五色似花明

其二

雙扉通綠坂  
三徑絕紅塵  
魚樂還如我禽

言却似人滄池堪洗耳  
壁塢可藏身  
清梵時時到香臺  
與佛隣

春懷二首

不減少年意  
其如病骨何  
黃金揮殆盡  
玄草積猶多  
生事惟皮几  
雄心付叵羅  
長繩難繫日  
排悶且高歌

其二

條風徐汎葉  
遲日暗催楊  
酒社頻要約  
花

期預酌量著書力漸短撫劍意空長安得  
桑榆畔揮戈學魯陽

病後登鬯閣望雪

病餘筋力倦累月不登樓此日因看雪扶  
筇上上頭飛瓊霑薄幌積練在平丘刺骨  
春寒甚還思狐白裘

禪居八首

持齋

五濁雖然溷祇洎在敝廬周妻慙未免何  
肉猛教除餽餽錢堪辦伊蒲味有餘自知  
能戰勝腰帶近何如

建像

非關要法力慈氏本吾師像在餘三世心  
皈有六時瑠盤盛佛供棊几列軍持誰道  
如來義音塵未可窺

製衲

周

詩象菴稿卷之八  
一自除朱紱披裘悟息機并拋荷芰服製  
得水田衣自號頭陀是人稱使者非東林  
蓮社在垂老得皈依

寫經

貝葉手親裁臨池對法臺丹鉛和綠梵紫  
墨染蒼苔直使天龍護兼之夜鬼哀馱經  
有白馬未許換鷲來

飯僧

小可稱檀樾投齋若會盟晨鐘分衛集午  
襯帶經行粟剝霜前粒蔬分雨後莖施餘  
及鳥雀法力徧群生

禁足

經在長須把書成未暇刪雨花淹石榻水  
月閉柴關雙屐當春置孤筇盡日閒六時  
何所事鹿苑獨躋攀藟或留不短朝空齋  
持呪

密教誰能解由來是佛心持將竺國語散  
作海潮音乾闥應知護波旬不敢臨空齋  
清唄出大地總蕭森置却從盡日聞天規  
四壁幽人宅三車佛子家庭柯似優鉢墻  
鳥卽頻伽鹿女銜來菓天娥散出花持將  
爲法供瑞氣藹窻紗

小可梅以雨敗口占唁之

恠爾悠然意還爲造物疑經春花未吐一  
夜雨相欺空結羅浮夢能無隴上思何郎  
情不淺把酒酌踈枝

題俞君寶泖上居

空湖人與澹澤國戶深扃遠市茶煙白長  
汀樹點青鉏雲驚鷺宿汲澗帶魚腥隱几  
無餘事惟應註水經

過佛石開士禪居却贈

詩集卷之八  
駐錫羣峰下居然絕世緣野麋爲眷屬山  
鬼共周旋稿木生猶死方牀坐不眠誰知  
丈室內法界有三千  
其二  
紅塵曾不遠太古若爲隣面目非凡品鬚  
眉亦衆人結茆藏寶帙刻石奉金身小坐  
維摩榻巖花滿葛巾

法相寺小憩

高僧托化去香火上方留蘿屏分周衛松  
關自錯繆真如原不着身相詎須求小品  
逢僧說停杯且一酬

武林城外卽事四首

舉目得湖光沿街杜若香松風防虎急桑  
月餵蠶忙處處陳歌席家家傍佛場今朝  
天日好男女並游航

其二

南渡風何在西泠墓已非  
妓瞻三竺去僧醉六橋歸  
草暖眠鷺樂沙明乳鴨肥  
長堤日漸暝歌管未云希  
其三  
層層官市出歷歷女墻平  
白苧居人服黃金俠客纓  
茶從龍井至泉自虎跑傾  
啜罷聞湖榜居然心骨清

其四

揮汗青天雨行車白日雷  
不因躍馬至端爲鬪鷄來  
月落千堤柳風生百道槐  
誰知南內事蕭颯正堪哀

有一沙彌厭事瑜伽投余齋中修習  
禪觀兼讀儒書有贈

豈薄瑜伽教緣持止觀心不徒  
諳法喜兼復抱書淫  
晝漏蓮花爭晨鐘貝葉深  
誰知居士宅翻得似祇林

讀神僧傳二首

甘露灑瓶枝禪風爲一披覺心天地盡名  
宇古今貽萬法歸游戲三生自總持神通  
多變幻未許夜魔窺

其二

覺途何處是展卷卽醍醐萬劫原非有六  
通總亦無力堪躋聖地性不離凡夫讀罷  
松廳下天龍夜亂呼

讀列仙傳二首

長把曇花對仍將仙籙看種芝玄嶠曲拔  
宅闡風端城郭移時換山河入掌寬真人  
從昔有難覓大還丹

其二

班聯羣帝側家在大荒西鉉鼎千秋藥衣  
裳五色霓投壺玉女侍賜詔木公齋亦有  
天台約桃花奈爾迷

讀高士傳二首

一自箕山後幽人不絕蹤  
門辭千乘顧食謝五侯  
供北德堪爲鳳難馴好是龍  
清風如可作脫屣欲相從

其二

世情惟腐鼠彼氏獨遺榮  
橘柚栽爲業猿獠與結盟  
山林風漸遠丘壑道逾輕  
歎息餘芬在令人骨欲清

首夏清涼枕書小閣不成  
午睡起坐  
斐凡捉筆四首

首夏似清秋真宜五月裘  
文墀生薄蘚茂樹起高颺  
名卉從人乞奇書避客搜  
日長偏睡少無夢到莊周

其二

高閣雲容澹迴欄日氣微  
鶴癯雛自長竹瘦筍偏肥  
庭草垂爲帶池荷好作衣  
只嫌



詩集卷之八  
戶外履如向市門歸  
未能饒樂事只是少愁端  
垂老時名薄無才月旦寬  
竹根經雨漱石面受風乾  
自笑迂心在雕蟲願不刊

其四

曉起憑高望湖山數點餘  
爛惟甘擁腫醉或發軒渠  
燕掠驚簾蒜廳來醫架書  
虛舟

身世似何物得關予

夏日過秦氏園有感時中丞公方物

故

扶策探蘿薜薰風起自南  
煩醒消密蔭短髮鑑澄潭  
酒倩禽言勸茶投水味甘  
仲長今不見隣笛思誰堪

其二

選地駐壺觴園林是辟疆  
凌飈臺百尺蔽

詩象菴和卷之八  
日樹千章汎澗橫當路抽篁窠別墻銅山  
不可問金谷總荒涼

今不與客入惠山法院得尖字鼉字因簡  
愆公

入寺避餘炎披衣禮佛嚴金繩銜日細寶  
刹轟雲尖殿角高低出泉聲遠近兼酒卮  
從客薦獨把白檀拈

其二

白社容相訪青山不厭過香厨晨飼鴿法  
鼓晝鳴鼉麋鹿銜花滿煙霞作供多宰官  
無一事欲傍老頭陀

薄暮把酒鬯閣風雨忽至二首

碧瓦排銀漢朱簾捲玉京酒香花盡醉歌  
動樹皆驚雨急全衝席雲來半護城憑高  
發虛爽便覺絺衣輕

其二

周象菴詩高卷之八

花徑閉葳蕤香颺向晚披蔗漿傾玉乳鯉  
脯切銀絲度曲要風伯行觴命雨師吳鈞  
天外把斗氣欲淋漓

自嘲二首

雄心那復在傲骨尚峻嶒有酒惟供客無  
錢喜施僧任人呼牛馬不自辨淄澠惟是  
才垂盡詞壇衆許登

其二

濁世猶然溷塵心那得消酒期如對簿文  
債似徵徭難洗箕山耳徒嫌彭澤腰謝公  
絲竹好減產日蕭條

大雨後放舟城西濠四首

何意驕陽後霽霖似漏天郊原俱斷岸溝  
澮盡成川浴豎看人至飛鳧帶子旋沙棠  
一葉許去去點蒼煙

其二

芳甸新收雨青山宛可圖饑禽各自出濕  
柳互相扶田水來侵屋池流去下湖輕波  
人蕩槳得似漢津無

其三

薦涼伏雨過變態夏雲生婦女將衣曝兒  
童把釣行携琴猶帶潤咽管不分明度曲  
來蛙吹如懸數部鳴

其四

同志亦同羣尋游及落曛持竿爭測水將  
袂各分雲新爽人皆快微颺意自醺桔槔  
無復響禾黍漸紛紜

調象菴稿卷之八

調象菴稿卷之九

梁谿鄒迪光彥吉父著

五言律詩六十六首

冬日暫棲舊業雜詩十二首自古膏

密牖通晴旭踈櫺挂薄霞劇談頻噉虱晏  
坐到棲鴉留客嘗煨芋從僧飯熟麻莫嫌  
空谷冷十月已梅花

其二

緝茆因舊業不用剪荆榛當戶遙峰侍周  
遭衆瀆巡世皆推國士我未免鄉人社酒  
多要致相過詎惜頻

其三

出戶誰堪望村村葉亂飛深蹊雲自古膏  
壤雨偏肥禮樂遺風是衣冠近事非澆漓  
不可問吾但息吾機

其四

未是華胥俗還爲小有天鷄豚各識主榆  
柳盡忘年秭竹新恢徑栽瓜舊拓田尋常  
無一事老衲與留連

其五

蓬蒿原所戀藜藿性能甘害馬捐都盡呼  
牛應獨堪農書曝背註花譜荷鋤探誰道  
門如水羣山箇箇叅

其六

黃葉門深閉居然似佛廬坐披將敝衲眠  
枕欲看書石蘚青當席藤梢綠刺裾人徒  
絕來往求牧并教疎

其七

四郊惟酒肆一室但茶鐺稻圃驅烏集沙  
汀射鴨行遠煙知野燒毒霧報深晴避世  
原吾志憑誰去耦耕

其八

圖書寄草萊卷帙不時開月舸深藏葦霜  
鐘暗度槐魚鰕湖汊到橋抽洞庭來谷口  
容吾隱何知材不材

其九

意氣寧凡伍形骸與俗同乞花從舍北分  
竹過墻東雜坐鷄衣客連鑣鶴髮翁枌榆  
原足樂垂老未途窮

其十

仁里總非昔醉鄉猶庶幾從人傾竹葉長  
自典蘿衣水國鷗盟在霜天鴈字微鍾期  
何處是我已貴知希

其十一

雲山來震澤風壤接勾吳酒力嬾猶在文  
腸病不枯書長窺汲冢經或閱陰符果腹  
携筇出郊原看獵徒

其十二

已闢黃花徑還開紫葯房據梧真偃蹇抱  
甕亦助勦絕少催租牒惟餘問字航齋心  
久已定長日禮空王

與客飲田家四首

並策青藜杖言過白板門賓筵多侍從主  
席但見孫鷄黍頻頻薦桑麻歷歷論淹留  
不覺久村鼓報黃昏

其二



僻居何所傍門對兩三峰犬吠初來客花  
延欲駐筇短垣困廩在野服禮文恭更喜  
千竿竹勝於萬戶封  
其三  
一見倒衣襦相逢意自娛剝芻將飼馬伐  
木去烹雛雜沓驚隣里驅馳并婦姑感君  
須盡醉花下倩人扶

其四

同行循柳岸雜坐蔭柴扉楫柚煨將盡罇  
罍罄不歸香膏當夜漏絮衲杜寒威酩酊  
田家樂誰知世是非

午後散步原上二首

不以尋游出聊因散藥行呼猿隨杖履留  
鶴守柴荆父老穰田樂兒童拾穗爭郊原  
吾所好農圃未知名

其二

詩集卷之九  
竹下長吟入雲間清嘯過寒風催葺屋晴  
日照收禾廢坂牛羊集空田鳥雀多杖藜  
吾自在休問路如何樂只童叟  
月正五日辱馮元成大叅見訪張燈  
小集酒次賦贈二首  
黍谷春難到松扉午乍開短衣弁禮法劇  
語佐罇罍月避燈先去雲驚曲不來主人  
要彩筆足練爲君裁

其二

衆皆題鳳去君獨引車臨燈火懸爲樹旃  
檀列作林詩名高白雪交誼薄黃金鹵莽  
人間世空餘山水音

吳郡司理鄭君三年奏最有贈二首

法吏年方少翩翩白面郎治平今第一國  
士總無雙澤沛長洲雨寒飛茂苑霜祥刑  
真賴汝貫索自光芒

其二

玉壘鍾靈氣金闈播令名官如趙廣樂人  
頌郭喬卿有法惟三約長才鎮百城只愁  
徵拜亟旦夕璽書行

惠山寺看早梅

踏蘚尋僧舍探梅到佛筵暗香原妙梵瘦  
影是枯禪慧日沾先放慈雲覆且妍今宵  
法界上月並隴頭懸

其二

未破羅浮夢先依佛子家香生同慧草色  
淨類空花偶墜如天雨齊開散法華莊嚴  
玉界徧猶復點袈裟

早春徒步西郊至惠山二首

青藜作杖短白氎製衣長風力柔堪受苔  
痕薄不妨銜魚水鳥亂逐兔野鷹忙山叟  
相要致新醪爲爾嘗

其二

嶺岫微舒翠郊原薄染丹空煙疑是水小  
雨不成寒石脚森齟齬松根老錯盤僧籃  
何處所吾欲就蒲團

有一圃荒穢日甚與客過此不覺自  
笑漫賦二首

空林無結束春至亦蕭條卧葉麋多傲銜  
花雀自驕亂流奔石面雜樹上山腰獨與

僧廬近鐘聲伴聞寥

其二

買山吾所願爲圃奈猶荒萬籟爭虛壁群  
峰護草堂軒車無駐跡牧豎漸成行不望  
如金谷還容擬辟疆

感事二首

五濁人間世行藏不自由靡風如鄭衛末  
俗盡俳優衆口誰能理羣心未易酬生涯

若箇便擬向法門投

其二

何處不荆秦風塵點葛巾人情炙手熱世  
態白頭新八席羣狐窟門庭妬婦津餘生  
安所適惟有學逃秦

詔放稅事諸臣何元隆輩志喜一首

箕歛成何事 宸衷不自安批鱗臣節苦

解網 聖恩寬肝膽披垂盡頭顱許放完

金鷄一下詔朝野為彈冠

其二

未及輪臺暮微疵日月更臣心不惜死

主聖得重生桑孔奸方擿逢千直自明祀

人憂頓釋鼓掌說昇平

賦得河柳

由來官渡種婀娜故凌波點點花飛浪絲

絲影度河含風催棹急帶月繫船多攀折

將誰寄褰裳奈爾何

日暮歸自山中二首

芒屨芙蓉外松醪薜荔中  
出門多挈客歸路獨扶童  
白日銜山紫青霞墮水紅  
重巘蘭若滿夕梵一時同

其二

春意苦蕭索春山已再登  
去來一任我迎送不關僧  
宿鳥忙求托歸雲迅欲崩  
羣峰

籠紫霧回首失峻嶒

崑山道中四首

狼籍川雲薄歲蕤土壤熙  
饑鳥集斷岸野犢飲清陂  
逐水桃花片籠煙楊柳枝  
雨香人意澹不住倒瓊卮

其二

數尺布帆輕清溪一掌平  
小山時點綴遠樹不分明  
似雪汀花舞如歌水鳥鳴  
行行

日漸暝絳蠟坐吹笙

其三

兩行飛屬玉一鏡點蘼蕪  
雲樹相酬答煙波自灌輸  
香生夾岸卉夢破語檣烏  
長日行舟穩惟操五色觚

其四

野寺通深塢官橋帶軟沙  
鷄鳴長上樹鶯語暗藏花  
赴市衣相躡迎神鼓亂槌  
郊原

風物好十里盡桑麻

由拳道中四首

尋游不計路進艇太從容  
水淥通三泖山遙自五茸  
土垣蒿並長茆屋蘚爲封  
布谷時時喚春深已勸農

其二

遙裔木蘭舟笙簫坐兩頭  
麥田多雉雉桑塢有鳴鳩  
水國長疑雨煙村宛似秋  
中流

無限意月色鑒清油

其三

微明鼓楫行欹枕聽溪聲酒旆連青嶂漁  
舟入綠萍但看朝暮景不問去來程最喜  
逢迎少詩成復自賡

其四

羣鷗爲引船去去劃江煙赤燒連紅日青  
蕪共碧天盤雲輿板築障水灌棉田梅月

痕猶細銀缸且自燃

攜李早行

戍樓玉漏斷鷓首便從風雜浦蒸雲黑諸  
溪吐日紅驚儵頻出沒飛鷺各西東岐路  
無須問滄波曲曲通

其二

夜棲依鷺宿早起候鷄鳴覓勝原多策尋  
游亦計程麥風吹面薄梅雨濕衣輕去去



詩多者利卷之九  
無拘束閒情伴麴生

過語溪 一名語兒涇

春日水泠泠春風汎杳冥獨乘鄂君舫忽  
到語兒涇綠鴨臨沙淨黃魚入市腥川涂  
去無恙吾意快揚舲

過魏塘小憩

越壤偏多沃人家占茂林犢眠青柘坂鴨  
乳綠槐陰雨點飛來小雲容染不深輕寒

命杯單與客細論心

其二

柳外千絲雨桑間五兩風錦帆行不住銀  
漢若爲通煙草濃如織春山黛自工尙平  
游興在此去未途窮

憩靈峰寺

湖山此最深危广得珠林投食無來客當  
階有傲禽僧慵疑是病泉響却如霽午磬

一聲出悠然自在心

其二

葱蒨開爲徑雲霞結作帷崩泉亂人耳流  
翠染僧衣碧嶼麈麋嬾丹巘筍蕨肥祇林  
多密室遷坐欲忘歸

過真珠寺寺甚荒落而泉自在

雨餘陽未燭山暖氣猶蒸側磴鈎衣進重  
苔着屐登琳宮不見佛香積偶逢僧但有

泉堪漱令人俗慮澄

雨中過佛惠寺

小雨尙廉灑春寒絮欲添桑根千澗繞松  
頂一峰尖園筍從人乞山花對佛拈寺僧  
能荷鍾麥秀已蘄蘄

其二

一葉吵如許盤餐坐兩頭溪迴頻問路橋  
礙屢更舟過雨青浮席披雲翠滿裘空門

詩集卷之九  
佛日暝僧舍倍清幽

放鶴亭拜林處士像

南度衣冠滿千秋空陸沉君家抱高節山  
水有知音四壁聞鼙語孤亭想鶴吟行人  
薦蘋藻仰止一何深

其二

誤國奸何在勤王績亦隳誰如肥遯客沒  
世使人思山鬼司籩豆江猿識履綦我來

瞻廟貌手自奠瓊卮

輓梁博士

方羨鴻冥日俄驚鵬入年人思老博士業  
剝舊寒壇泗水環陵樹潼山對墓田生平  
交誼在壠劍未能懸

村居夜永與客坐話四首

讓德推吾里通宵不掩扉徙燈迎月貌促  
酒伐霜威根柢燒爲燼瓊瑜綴作衣是非

無用較久息漢陰機

其二

雜坐啜流霞新蟾逗碧紗籬邊無吠犬榻  
畔有棲鴉撥火頻煨芋添香欲品茶高談  
滿賓從不解說桑麻

其三

把劍誇新淬看詩改舊題緹帷青霰集蠟  
炬翠煙低黠鼠逢人竄寒鷄見月啼虛堂

今夜永倍爾愜幽棲

其四

坐擁黃花酒人持紫蟹螯土風稱粟陸壁  
月印檀槽飯草鳴牛急棲雲叫鴈高疎狂  
兼日夕天肯宥吾曹

田間客至

深塢沈澗天猶來問字船烹泉先乞火沽  
酒尚餘錢廣圍陳鷄黍虛庭鬧管絃雖耽

中散癖對客且留連

其二

地僻無車馬誰人破宴眠雀羅妨戶外鹿  
隊散花邊問句呈新詠徵聲理舊絃不煩  
投轄挽十日許周旋

課租二首

舊業餘餽粥悠然足此生租完不待課田  
薄尚須耕兒女堪調膳衣冠免踐更閒居

何所事長自頌昇平

其二

鼓腹從吾樂攢眉奈此生不愁田似石且  
喜筆爲耕書在編長絕詩成句屢更祗餘  
孤憤意把酒未能平

冬日田間辱林若撫見訪夜集二首

分袂經年事顛衣此日情含毫真墨客挾  
策是書生坐雜杯無序談深燭再更依依

寒夜月爲爾戀柴荆

其二

玄度費相思清揚此一披燈前論舊事袖  
裡出新詩掃葉鋪肴榼將花遞酒卮不須  
牽袂挽投轄已多時

調象菴稿卷之九

調象菴稿卷之十

梁谿鄒迪光彥吉父著

五言律詩六十八首

送陳別駕之官臺幕

去去及春芳梅花是橐裝樓船遙犯漢繡  
服儼飛霜風雨隨車後豺狼匿道旁匡時  
須白簡早晚達明光

圃中兩鶴見余至輒舞

似爾蹁躑質由來具舞裳  
頡頏雲片落分  
窳玉塵揚未必能鴻度  
還疑學鳳翔將何  
消受汝棐八一鑪香

曾母王孺人學博公之妻而吳縣令  
君之母也背學博十餘年而其子令  
君得以官贈爲追挽之

風木豈無憾松楸雨露寬  
金章披馬鬣玉  
樹自熊丸墨綬光能借  
青氈坐不寒誰知

箕帚婦地下有鸞冠

惠山法院看衆僧作晚時功課

鴈序走袈裟居然帝釋家  
一燈千世界半  
偈萬河沙食施將歸鹿  
鐘驚乍宿鴉虎溪  
相送罷依舊展楞伽

其二

梅檀薰碧落幢節影丹青  
鈴韻如僧語經  
聲是海潮神龍八部集  
廣樂四天謬自笑

詩集卷之十  
無明網三生未得逃

病小間

病來幽事廢病起却動勦杯酒延隣客香  
花供法王苦添中散癖稍減次公狂何日  
拋芝朮蟲絲網藥囊

其二

經旬忘盥櫛此日斲簪冠力爲降魔怯心  
因戰勝寬遣愁聊命酒佐弱強加餐却惟

新詩在人人喜借看

河澣僧舍訪恩公二首

欲叩栴檀座言窺蒼蘂林長松壽者相蔓  
草衆生心僧衲裁雲薄經籤隱霧深支郎  
風韻別對客自蕭森

其二

君有彌天智予無四海襟仙凡原異調山  
水幸知音寶月容如舊金湯辨益深跣趺



分半榻慧日已西沉

長夏攤書二首

長夏少來客閒居無別營忘機看鳥下適  
意送雲行弱柳扶難直新莎剷又生檢書  
日數卷千古屬深評

其二

閉戶不釋卷居然似下帷荷錢難計直桐  
淚或沾衣鵲戶從鳩攘蜂羣混蝶飛自憐

皇甫謐老向簡編依

舟次大雨時方東作志喜二首

封蟻陰先卜鞭龍雨忽生川雲蒸欲沸渚  
溜急相爭亂荇投簾入崩沙擁棹行嘉禾  
應有望預此慶秋成

其二

驟雨挾雄風炎歎捲太空微轡晦平陸旋  
喜濯芳叢劃霧人相語封雲路不通舉杯

看襜褕便欲飲長虹

顧瞻來從燕都歸後閉戶鮮出賦此

爲訊

齷齪悲人世多君好靜恬談天詞混混醉  
月意沾沾老尚毫端銳窮餘劍鏗鋳一從  
歸洛後鎮日獨垂簾

早秋月夜獨坐二酉齋

晝長猶怯暑夜靜始驚秋叫鴈因懷侶鳴

蛩欲訴愁月閒尋幌入花冷傍人投別室  
金仙在蓮燈續未休

其二

絺衣涼再易金氣夜堂深月意曾無着秋  
聲不可尋松搏一片影竹娘數竿陰四際  
寂無語燒燈獨苦吟

其三

街鼓聲頻動城頭烏尾訛啼螿催織婦焰

蠟妬姮娥粟罅開猶少蓮房坼已多片雲  
河漢度莫是起風波

秋日龔方伯子勤要過佳圃爲歡竟  
日抵暮復乘輕舸泛月池塘得詩四

首

結圃隣蘭若梅檀不住披陂池田父共肩  
鑰寺僧司密篠驅殘暑長荷扇薄颺爲懽  
不及放揮塵或彈棊

其二

移樽登桂楫長傍赤闌橋雜坐形骸畧雄  
談硯礪消嵐光濃淡見樹色淺深搗把酒  
聽清唄聲聲出絳霄

其三

蓮葉田田漾菱波淦淦浮觸舷三尺鯉避  
燭一羣鷗更迭爲觴政縱橫遞酒籌銀塘  
曾不遠容裔未言休

其四

一葉眇如許委蛇汎曲塘清歌呌水月白  
恰冷秋霜暫釋嵇康嬾將爲阮籍狂薄煙  
汀際合塔影挂微茫

憩華藏寺寺是古刹面湖負嶺地甚  
幽絕而頽壞已極慨然賦此二首

度嶺足凌兢龍宮始一憑野禽當坐啄鄰  
豕認階升衲侶不忘俗宰官翻似僧祇林

盡荆枳何處覓金繩

其二

白馬何年創青鴛此日荒飢分諸佛供坐  
借老僧牀草上采恩緣沙侵鼻屨黃誰知  
不壞地亦自有興亡

自惠山寺早起過華藏寺二首

夙酒醒猶在隨雲度嶺西香秬鋪似錦敗  
葉委成泥牧豎驚輿至樵人指路迷琳宮

應不遠寶樹出前溪

其二

夜宿法王苑朝尋佛子家後車載酒食前  
導有袈娑山市都無物湖田半是砂遙看  
清楚色散作嶺頭霞

於華藏寺過資福菴觀石大士殿圯  
像無葢茆

踉蹌舉足跣支策入峰尖周野紅生稻叢

林綠綻柑布金何寂寞鏤石自莊嚴瞻禮  
曾無地梅檀聊一拈

觀張俊墓俊妬飛附檜死有餘慚者  
停策上遺阡楸梧幾百年金鳧應寂寞石  
馬尚騰騫計陷勤王將心阿誤國奸九原  
如不死爲爾媿遺編

讓里舊業喜季常在顧把酒田間二  
首

深慚闔戶隱多喜抱琴過敗葉舒丹褥新  
醜卷白波鄰人看雜沓牧豎舞婆娑樂事  
有如此君懷定若何

其二

高春猶未起放鹿守柴荆約束新亭長風  
流舊步兵買魚饒活鯉煮飯足香秔十日  
期無負郊原勝市城

村暮卽事四首

日落山半紫輕煙四望披絮衣燈下綴香  
稻月中炊整柵收豚母擔芻飯犢見深村  
無漏箭夜卧不教遲

其二

野燒何方起漁燈幾箇來兒曹思枕席鳥  
雀返蒿萊甕面葡萄酒鑪頭楫柚灰月明  
無警急權戶夜猶開

其三

馴雁先護宅信鴈爲支更別塢迎神鼓前  
溪競渡溪魚鰕凡數種瓜菜亦多名晚飯  
田家樂真堪足此生

其四

月魄纖纖吐霞綃片片飛荷鋤田父入把  
炬獵徒歸家理牛衣卧人將蟻椀揮華胥  
無復夢日夕自忘機

冬日田間早起四首

初陽紅吐焰殘月澹埋光乞火供炊急剽  
泉灌藥忙鴉啼曾不惡鵲噪亦何祥盥手  
金仙下頻拈柏子香

其二

吾衰生事薄早起亦何求落葉先除掃殘  
書急校讐官橋纔放權酒肆已張旂茗椀  
呼童辦携琴客會投

其三

詩集卷之十  
熟睡元吾好晨興展法華朝餐長屏肉卯  
酒或先茶歷歷離巢鳥垂垂帶露花夜來  
寒甚否早已問隣家

其四

籬篠眠不穩宿酒尚餘醺枝露懸珠顆林  
霞散錦紋牛羊齊出牧鳥雀亂成羣爲看  
朝暎色長愁雨雪雰

丁未元日家大人春秋八十率兒孫

輩捧觴上壽志喜四首

刻燕排春勝栽花篋綺筵兒無不朽業父  
有大齊年身世安畏壘生涯釣渭川晨昏  
甘旨奉惟仗賣文錢

其二

寒谷春難到陽和律已吹孫枝紛爛熳萊  
彩更歲蕤服食紅顏父趨庭白髮兒還丹  
雖有術不作義方規



其三

東皇纔御律南極喜臨門身稟三朝朔庭  
羅兩世孫刻鳩新拜杖銜鳳舊承恩侍  
讌蘭堂側占星夜正繁

其四

八十爲孩始春風化域中形骸如瘦鶴意  
氣耿長虹祖德開羣從而儕媿阿翁人生  
一日養真不羨三公

月下與客歸自惠山法院三首

並坐空門罷扶筇踏綺塍月容嬌妬妓雲  
影薄依僧籬犬來鳴客墻鳥起避燈佛香  
携滿袖歸路說三乘

其二

落日下招提松間振屨齊煙從山尾掉月  
借殿心栖巢鴿旁呼雀歸麋屢顧麇相携  
無列炬一任攘枯藜

其三

老去愛名山同人日往還雲扶過竹徑月  
送出松關坐樹舒長嘯尋流洗醉顏回看  
兜率上蘿磴杳難攀

元宵後廿日要同施罔卿龔方伯燈  
下小集酒半雨至施有作見貽依韻

賦答

良宵餘勝事上客擁長筵已斫姮娥桂還

生太乙蓮雨司觴政急雲避曲聲妍此夜  
雙星聚何須玉魄懸

其二

桂魄流光短蘭膏吐焰同驚鴻翻席上濯  
燕出盤中香散梅檀紫杯浮琥珀紅不嫌  
敲竹雨那怕落梅風

與客夜坐偶成一首

班荆方意愜重柝又嚴城樹鳥棲偏穩花

雁靜不驚深心同燭瀉舊話與杯傾已下  
今宵榻還申十日盟

其二

疎梅寒孕白深竹暗浮青在坐無凡侶開  
言卽道經家醪勝上若泉品亞中冷何意  
蓬蒿地參差聚德星

哭徐茂吳十首

本來江左客移作越西人羅刹爲湯沐响

嶼是比隣長瞻茂苑樹幾度武林春今日  
孤墳上淒涼奠一尊

其二

舉世工鉛槧惟君負令名有腸皆瀝盡無  
句不堪驚雖則雕蟲小終成削鑿精詞壇  
失輪扁末輩好縱橫

其三

物似張華博書如玄晏淫禪枝森鹿苑詞

藻蔚鷄林大海文星墜關河紫氣沉白頭  
知已在能不嘆人琴

其四

憶從湖上履與爾醉流霞誰意銜杯後翻  
成隔世嗟未聞驚鵬鳥忽自應龍蛇人命  
有如此休教擲歲華

其五

閉戶方自隱乘箕何所之應嫌五濁世去  
赴十洲期委化形骸盡排空羽翮奇人天  
能再合緱嶺莫教遲

其六

一從仙吏謫威鳳逐鷄羣復向瑤天去重  
修玉局文素帷張夜壑丹旄出寒雲從此  
離煩惱生芻空憶君

其七

風裁高重嶽詞源倒急湍一朝人已矣四

始倩誰刊無復龍門望將令牛耳寒生平  
懷大雅於爾淚汎瀾

其八

錦埒尋山屐澄湖載酒船促生非有癖涉  
世尚無年新鬼松間哭羣狐隧裡穿行人  
多嘆息原氏有遺阡

其九

同榜不獨汝同心惟有君如何吳越地竟

作死生分三竺悲零雨南屏悵斷雲名山  
業不少將欲訂遺文

其十

墓草聞已宿遺編猶未鐫應將數詩卷去  
瘞一山川埋骨會須朽其人自可傳生平  
宦不達爲爾問高天

哭壻孫源孝四首

濁世佳公子儒林苦志人那堪南國彥化

詩集卷之九  
一六  
作北邙塵獨守哀嫠婦雙啼痛老親我思  
亦不淺嗚咽淚沾巾

其二

四大終歸盡誰能避九泉所嗟易篲候尙  
是棄繻年學羨三餘富人尤萬石賢鏡臺  
空已矣玉樹總徒然

其三

汝身長喘月汝氣實如虹詎意龍媒種將  
瞻馬鬣封精神凋竹素事業竟章縫有婦  
肝腸磔多應地下從

其四

佞佛年來事爲儒宿有聲橫階書草亂映  
几慧花明未就青緗業先寒白社盟情親  
空痛哭爾已證無生

圃中有鶴且死命掘地理之

一自逃徒侶相依且數年主人方戒殺爾

食亦無鮮善舞聽經後長鳴向佛前凌霄  
將藉汝委蛻實堪憐

其二

耳目豈徒玩祇園實爾司應門同白鹿繞  
座學青獅華表不復去今威何所之名山  
今痊汝墓草盡仙芝

過山家四首

深塢憑誰問孤筇斲雨過箭如童子長花

野人醜矮屋妨巾幘頽墻仗辟蘿水風  
侵白恰八席枕流波

其二

去市只數里居然磴道賒燒山出狡兔薤  
草捕鳴蛙槐目全收雨松腰半束霞岩阿  
迴複處猶自見桑麻

其三

結屋連丹壑松扉鎮日關支牀惟有石立

言身者利不危之  
壁但看山遠澗澆蔬引喬柯探蠶攀主人  
力作苦未老鬢毛斑

其四

鵲巢當坐右鷄欄在牀頭拾粟爲茶品攀  
荆作酒籌短衣非示慢清話亦能酬名姓  
從人得驚予是故侯

調象菴稿卷之十



